



| |
|------|
| 74 |
| 6640 |
| 82 |





五禮通考卷第二百十五

內廷供奉禮部右侍郎金匱秦蕙田編輯

翰林院編修錢大昕

參校

太僕總督蘇都史桐城方觀承同訂

直隸按察使元和宋宗元

嘉禮八十八

設官分職

周禮政官之屬大司馬卿一人小司馬中大夫二人軍
司馬下大夫四人與司馬上士八人行司馬中士十有
六人旅下士三十有二人府六人史十有六人胥三十
有二人徒三百有二十人

軍事尙嚴特
須監察故也

黃氏度曰司馬置屬與五官稍異小司馬而下有軍司馬
與司馬行司馬與司馬掌車行司馬掌徒軍司馬兼掌之

蕙田案春秋之世晉作三軍以其將佐爲六
卿而每軍別置司馬卽周禮之軍司馬也

五禮通考卷第二百十五 設官分職





凡制軍萬有二千五百人為軍王六軍大國三軍次國

二軍小國一軍軍將皆命卿二千五百人為師師帥皆

中大夫五百人為旅旅帥皆下大夫百人為卒卒長皆

上士二十五人為兩兩司馬皆中士五人為伍伍皆有

長注軍師旅卒兩伍皆眾名也伍一此兩一闔卒一族旅一黨師一州軍一鄉家

所出一人將帥長司馬者其師吏也言軍將皆命卿則凡軍帥不特置選於六

官六鄉之吏自卿以下德任者使兼官焉一軍則二府六史胥十人徒百人

司勳上士二人下士四人府二人史四人胥二人徒二

十人注鄭司農云勳功也此官主功賞故曰掌六鄉賞

馬質中士二人府一人史二人賈四人徒八人注質平也主

賈直量人下士二人府一人史四人徒八人注量猶度也謂以丈尺

度地疏以其掌營軍

之學舍量其市朝州涂軍社之所理其中

雖有餘事要以軍事為重故列職於此

小子下士二人史一人徒八人注小子主祭

羊人下士二人史一人賈二人徒八人注故書燿為燿杜子春云燿當為燿書亦或為

司燿下士二人徒六人注燿燿為私火元謂燿讀如子若觀火之觀今燕

俗名湯熱為觀則

陳氏傳良曰司燿之職此聖人觀天地之變順陰陽消息

之宜察寒暑在來之節故得裁成輔相之道此意極大

王氏應電曰萬物所以得生者陰陽二氣而已陽之盛為火之熱而物以暢茂

條達否則萎而不榮陰之極為水之寒而物以縮聚凝結否則散而不收然火

有出入當出而太早則過盛而為災當伏而不伏則錯行而傷陰此春秋所以

出火納火也冰有減散藏之以抑伏藏之火俾之伏息啟之以發沉伏之陰俾

得制火此冬春所以藏冰開水也周公設司燿凌人二職

調元之道也若秋官司燿共六官各有司存而不相統攝然司動

高氏愈曰自司勳至司燿共六官各有司存而不相統攝然司動

以下三官夏官所重而司燿羊人協于大夏南方之火故先列之

掌固上士二人下士八人府二人史四人胥四人徒四

十人注固國所依阻者也國曰固野

司險中士二人下士四人史二人徒四十人

日險易曰王公設險以守其國

五禮通考卷三 設官分職

掌疆中士八人史四人胥十有六人徒百有六十人注疆界也

候人上士六人下士十有二人史六人徒百有二十人注候候迎賓客之來者

環人下士六人史二人徒十有二人注環猶卻也以勇力卻敵

挈壺氏下士六人史二人徒十有二人注挈讀如繫髮之挈壺盛水器也世主挈壺水

以爲漏

高氏愈曰自掌固至環人共五官皆主封疆防禦巡徼之事樂研究而察非常宜在所先矣而挈壺氏縣壺戒夜亦軍務所重故附焉明代欽天監有挈壺正一人蓋猶用此名但周官以縣壺警夜爲重故屬之司馬後世以定晷刻分晝夜爲重故屬之司天監耳

射人下大夫二人上士四人下士八人府二人史四人

胥二人徒二十人注射武事故在此

薛氏衡曰先王於祭祀則有射於燕饗則有射文事而兼武守重其職故以下大夫爲之

服不氏下士一人徒四人注服不服不服之歌者

射鳥氏下士一人徒四人注射鳥亦武事故在此

黃氏度曰射人與司士諸子聯職而以服不氏以下四官參其間服不氏待獲射鳥氏取矢終射義也

羅氏下士一人徒八人注能以羅網捕鳥者郊特牲曰大羅氏天子之掌鳥獸者

掌畜下士二人史二人胥二人徒二十人注畜謂象而養之

高氏愈曰自服不氏至掌畜凡四官或養獸或養鳥或射羅鳥其職相類而服不射鳥二官皆有職於射者故次于射人之下王氏傳則以爲天文南方爲朱鳥故掌畜屬之夏官也

司士下大夫二人中士六人下士十有二人府二人史

四人胥四人徒四十人注其職掌詔爵祿與大司馬進賢與功故列職於此

郝氏敬曰案王制大司樂論造士升之司馬司馬論進士之賢者告于王而官之故司士爲司馬之屬

蕙田案殷制以司士與司徒司馬司空司寇並列爲五官至周禮改爲司馬之屬然以下大夫爲之則其任亦重矣

諸子下大夫二人中士四人府二人史二人胥二人徒

二十人注諸子主公卿大夫士之子者或曰庶子

司右士二人下士四人府四人史四人胥八人徒八十人

注右謂有勇力之士充王車右

高氏愈曰戎右齊右係中下大夫而司右為上士者蓋司右所掌但國中勇力之士能用五兵而為羣車之右者耳若戎右齊右皆于羣右之中選其德力之尤者而又積日累勞功績顯著始居其官則其爵已尊于羣右之上而非復司右之屬矣故其官另立而不次于其下自司士至司右凡三職一掌羣臣之版一掌國子之倅一掌羣右之政其職相類而各不相統也

虎賁氏下大夫二人中士十有二人府二人史八人胥八十人虎士八百人

注不言徒曰虎士則虎士徒之選有勇力者

呂氏祖謙曰周公戒成王以虎賁與任人牧人準人並言蓋侍衛備御朝夕親比必得正人漸移默化故慎虎賁綴衣之選乃養成君德詳密處

旅賁氏中士二人下士十有六人史二人徒八人節服氏下士八人徒四人

注世為王節所衣服

方相氏狂夫四人

注方相猶言放想可畏怖之貌

王氏應電曰其職主執兵以逐疫亦明武以正其不正之事故屬夏官

高氏愈曰自旅賁至方相皆當為虎賁之屬

大僕下大夫二人小臣上士四人祭僕中士六人御僕下士十有二人府二人史四人胥二人徒二十人

注僕侍御於尊

者之名大僕其長也

隸僕下士二人府一人史二人胥四人徒四十人

注此吏而日隸

以其事

薛氏衡曰上而正君心于周旋密勿之間下而通人情于勢分難通之際太僕以之率其僚庶備以之助其長上下交孚內外無壅天之政此其本也高氏愈曰大僕主王服位傳王大命可以旦夕承輔王者穆王命伯冏為大僕而以繩愆糾繆格其非心望之蓋係於君德之重如此小臣御僕祭僕皆其屬皆大僕所得自辟除罔命所謂慎簡乃僚者如此其官則唐虞之納言漢之公車令唐之門下胥宋之直登聞鼓院而明之通政使也其屬之夏官者軍政機密尤宜速達於王故也後世以太僕之官為典牧馬之政則名存而實亡矣隸僕亦大僕之屬

弁師下士二人工四人史二人徒四人

注弁者古冠之大稱

王氏應電曰弁首服之次於冕者自天子以下皆服之冕則不常服故冕雖尊而獨以弁稱

蕙田案大僕掌正王之服位故弁師亦隸焉司甲下大夫二人中士八人府四人史八人胥八人徒

設官分職

八十人注甲令之鏡也司甲兵戈盾官之長

司兵中士四人府二人史四人胥二人徒二十人

司戈盾下士二人府一人史二人徒四人注戈今時句于戟

司弓矢下大夫二人中士八人府四人史八人胥八人

徒八十人注司弓矢弓弩矢能官之長

繕人上士二人下士四人府一人史二人胥二人徒二

十人注繕之言勁也善也

橐人中士四人府二人史四人胥二人徒二十人注橐司農云橐

讀為芻橐之橐箭幹謂之橐此官主弓弩箭矢故謂之橐人

高氏愈曰甲兵弓矢俱軍需重器故設司甲至橐人六官而其官之尊者或至於下大夫其慎重如此與後世以武庫兵器賜弄臣者異矣

戎右中大夫二人上士二人注右者參乘此充戎路之右田獵亦為之右焉

齊右下大夫二人注充玉路金路之右

道右上士二人注充象路之右

方氏也曰戎右以中大夫齊右以下大夫道右以上者右取其武故戎右宜尊賓祭尚嚴故次之朝夕視朝武非所尚也右以戎兼田以祀兼賓而僕各異者右主捍衛其事可兼賓祀師田車行異節必各有專僕而後事可開也

大馭中大夫二人注馭之最尊

戎僕中大夫二人注馭言僕者此亦侍御于車

齊僕下大夫二人注古者王將朝觀會同必齊所以敬宗廟及神附

道僕上士十有二人注王朝朝莫夕主御王以與諸臣行先王之道

田僕上士十有二人

馭夫中士二十人下士四十人注案校人良馬三十六匹一馭夫計良馬二千一百六十四匹則六十馭夫

駉馬一馭夫主四百三十二匹駉馬千二百九十六匹則馭夫二人併前六十三人與此不合者蓋序官脫三人也

薛氏衡曰右與僕皆身任其事故無府史胥徒

王氏憲章曰馭者通謂之僕惟大馭不稱僕查以前有大僕不可混也

高氏愈曰自戎右至馭夫共九職皆僕車右馭車之官與夏官戎政正相屬

校人中大夫二人上士四人下士十有六人府四人史

八人胥八人徒八十人注校之為言校也主馬者必仍校視之校人馬官之長

趣馬下士阜一人徒四人注趣馬趣養馬者也鄭司農說以詩曰蹶維趣馬

鄭氏錡曰趣馬以下士為之其職則養馬而已周公立政以戒成王與任人準人牧夫借言之大夫之刺幽王與司徒鄭士師氏內史連言之其微如此而所係反重以其近王故也

巫馬下士二人醫四人府一人史二人賈二人徒二十

人注巫馬知馬祖先牧馬社馬步之神者馬疾若有犯焉則知之是以使與醫同職

牧師下士四人胥四人徒四十人注主牧放馬而養之

廋人下士閔二人史二人徒二十人注廋之言數也

圉師乘一人徒二人圉人良馬匹一人駑馬麗一人注養馬日

用四馬為乘良善也麗釋也

薛氏衡曰自戎右至馭夫凡九職掌五路之車自校人至圉人凡七職掌五路之馬

蕙田案校人以中大夫為之即後世太僕卿之職趣馬以下則其屬也周官太僕主正王

服位出入王之大命漢之尚書唐之門下是其職與後世之太僕不同

職方氏中大夫四人下大夫八人中士十有六人府四人史十有六人胥十有六人徒百有六人注職主也主四方之職貢者職

方氏主四方官之長

土方氏上士五人下士十人府二人史五人胥五人徒

五十人注土方氏主四方邦國之土地

懷方氏中士八人府四人史四人胥四人徒四十人注懷來也

主束四方之民及其物

合方氏中士八人府四人史四人胥四人徒四十人注合方氏

主合同四方之事

訓方氏中士四人府四人史四人胥四人徒四十人注訓道也

主教道四方之民

形方氏中士四人府四人史四人胥四人徒四十人注形方氏

山師中士二人下士四人府二人史四人胥四人徒四十人注形方氏

川師中士二人下士四人府二人史四人胥四人徒四十人注形方氏

邊師中士四人下士八人府四人史八人胥八人徒八十人注邊地之廣平者

匡人中士四人史四人徒八人注匡正也主正諸侯以法則王意以語天下

揮人中士四人史四人徒八人注揮人主揮序高氏愈曰職方氏以下六官皆以氏為名若世修其職者蓋以四方山川險阻與夫風俗土地所宜非於其任而世修其職者不能習故也山川邊師皆職方之輔蓋職方總掌天下之地圖最為煩瑣故分山林川澤原隰三者立三師以分掌之則記各有專而職方氏為不煩擾矣原師官府史胥徒獨倍者以平原之地多於山林川澤故也自職方氏至揮人凡十一官職方為其長其下十官皆職方之屬也

都司馬每都上士二人中士四人下士八人府二人史八人胥八人徒八十人注都王子弟所封三公采地也司馬主其軍賦

家司馬各使其臣以正於公司馬注家卿大夫采地正猶聽也公司馬國司馬也卿大夫之采地王不特置司馬各使其家臣為司馬主其地之軍賦在聽政於王之司馬王之司馬其以王命來有事則曰國司馬

李氏光地曰大司馬掌邦政而以兵事為主故凡兵甲車馬之政隸御僕從之官九州邦國之形勝阨塞要害皆屬焉司勳者兵事以賞罰為主故先之也兵莫重於馬故馬賫次之政莫重於地故量人又次之繼以小子羊人者祭祀之事也繼以司燿者火政兵事之要也設險守固制勝於未形故掌固司險次之候望譏察備守羣慝故掌疆候人環人又次之挈壺

高氏愈曰大都之地儼若國然但不世襲耳苟屋大不掉斯有曲沃京城之患故特以都司馬主其兵卿大夫采地王不特置司馬使各自以家臣為司馬主其地之政在聽于王之司馬則家臣亦不為自擅其兵矣

氏三軍之耳目故又次之射兵事所急故又次之服
不氏射鳥氏羅氏掌畜因射而及故其職并屬焉司
士以治官諸子以治國子司右以治戎右司士所掌
非兵也而屬于司馬者案王制曰司馬辨論官材論
進士之賢者以告於王而定其論論定然後官之任
官然後爵之位定然後祿之此即司士之掌而古司
馬之遺也虎賁旅賁夾衛王車節服方相皆因衛車
而及故相次焉太僕小臣祭僕御僕隸僕皆侍御之
官弁師司甲司兵司戈盾司弓矢繕人橐人皆掌弁
甲兵器之職戎右齊右道右爲右者也所謂勇士也
大馭戎僕齊僕道僕田僕馭夫爲御者也所謂僕夫
也校人趣馬巫馬牧師廋人圉師圉人則皆掌馬之
官司馬官之所以名者此也職方土方懷方合方訓

方形方以及山師川師邊師匡人擇人皆所以周知
天下之土地形勢山林川澤原野之險易而施其訓
道匡正之法焉司馬之職於是盡矣都家司馬在食
邑采地者故附之

蕙田案夏官之屬卿一人大司馬也中大夫
十四人小司馬二戎右二大馭二戎僕二校
人二職方氏四也下大夫三十人軍司馬四
射人二司士二諸子二虎賁氏二大僕二司
甲二司弓矢二齊右二齊僕二職方氏八也
上士六十七人中士百五十八人下士四百五
十三人其都家司馬皆上中下士而數無考
刑官之屬大司寇卿一人小司寇中大夫二人士師下
大夫四人鄉士上士八人中士十有六人旅下士三十

有二人徒士察也主察獄訟之事者鄭司農說以府六人史十有二人胥十有二人徒百有二十人

高氏愈曰士師為士官長故稱師其下鄉士主六鄉之獄遂士掌六遂之獄縣士掌外野之獄方士掌都家之獄誅士掌四方諸侯之獄隨其地以設獄官則于訊察便勤核易也明刑部於十三省每省各設郎中員外主事以主其獄訟蓋亦同此意

遂士中士十有二人府六人史十有二人胥十有二人

徒百有二十人徒遂士主六遂之獄者

縣士中士三十有二人府八人史十有六人胥十有六人

人徒百有六十人徒距王城三百里至四百里曰縣縣士主縣之獄者

方士中士十有六人府八人史十有六人胥十有六人

徒百有六十人徒方士主四方都家之獄者

誅士中士八人府四人史八人胥八人徒八十人徒誅迎也士官

朝士中士六人府三人史六人胥六人徒六十人徒朝士主外朝

司民中士六人府三人史六人胥三人徒三十人徒司民主民數

司刑中士二人府一人史二人胥二人徒二十人徒司刑主刑

司刺下士二人府一人史二人徒四人徒刺殺也三訊罪定則殺之

五禮通考卷三十三

九

設官分職

司約下士二人府一人史二人徒四人注約言語之約束

司盟下士二人府一人史二人徒四人注盟以約辭告神殺牲而血明著其信也曲禮曰盟

職金上士二人下士四人府二人史四人胥八人徒八十人注職主也

司厲下士二人史一人徒十有二人注犯政為惡曰厲厲士主盜賊之兵器及其奴者

犬人下士二人府一人史二人賈四人徒十有六人注犬金資

高氏愈曰古者以犬供祭祀故設犬人牛屬土隸地官雞屬木隸春官羊屬火隸夏官犬屬金隸秋官且守夜吹盜有詰茲之義聖人於一牲之職必使隸之

司圜中士六人下士十有二人府三人史六人胥十有六人徒百有六十人注鄭司農云國謂圜土也圜土謂獄城也今獄城曰圜司圜職中言凡圜土之刑人以此知圜者謂圜上也又大司寇職曰以圜上聚教罷民故司圜職口掌收教罷民

掌囚下士十有二人府六人史十有二人徒百有二十人注囚拘也主拘繫當刑殺之者

掌戮下士三人史一人徒十有二人注戮猶辱也既斬殺又辱之

司隸中士二人下士十有二人府五人史十人胥二十人注隸給勞辱之役者漢始置司隸亦使將徒治道溝渠之役後稍尊之使主官府及近郡

罪隸百有二十人注盜賊之家為奴者蠻隸百有二十人注征南夷所獲閩隸百有二十人注征東夷所獲貉隸百有二十人注征東北夷所獲凡隸眾矣此其選以為役員其餘謂之隸民

方氏苞曰謂之隸者王官宿衛宮伯所掌士庶子也旅賁皆命士也虎賁所掌謂之虎士必粗知道藝而異於胥徒者故於司隸所掌稱隸以別之春秋傳人

禮記卷三 設官分職

有十等赫班在六非甚賤也盜賊之子亦使班于諸禁者非其身之惡也不使列于齊民者恐其習為匪僻也

布憲中士二人下士四人府二人史四人胥四人徒四

十人注憲表也主表刑禁者

高氏愈曰主以刑禁表懸示人也先王欲使國家刑禁家喻戶曉故設其官

禁殺戮下士二人史一人徒十有二人注禁殺戮者禁民不得相殺戮

禁暴氏下士六人史三人胥六人徒六十人注廬賓客行道所舍

野廬氏下士六人胥十有二人徒百二十人注廬賓客行道所舍

蜡氏下士四人徒四十人注蜡骨內腐臭蠅蟲所蟄也月令曰掩骼埋胾此官之職也蜡讀如狙司之狙

雍氏下士二人徒八人注雍謂隄坊止水者也

萍氏下士二人徒八人注萍氏主水禁萍之草無根而浮取名於其不沈溺

司寤氏下士二人徒八人注寤覺也主夜覺者

司烜氏下士六人徒十有二人注烜火也讀如衛侯燬之燬故書燬為垣鄭司農云當為垣

條狼氏下士六人胥六人徒六十人注杜子春云條當為條器之條元請條除也狼狼唇道上

脩閭氏下士二人史一人徒十有二人注閭謂里門

士氏與之日自禁殺戮至脩閭氏十職皆幾防盜賊窺宄者幾防嚴刻奸宄無清刑之原也

高氏愈曰自布憲至脩閭氏其十有一職其官不盡相類然或憲刑禁或禁殺戮或禁暴或庇道路宿息非樹或除道路之謁或開溝瀆塞阱獲或禁川游或防夜游或禁火或辟行人或庇追胥而禁徑踰者則皆刑官之事也故俱以類列之

冥氏下士二人徒八人注鄭司農云冥讀為冥氏春秋之冥元謂冥方之冥以繩縻取禽獸之名

薛氏衡曰自脩閭氏以上達于布憲凡十一人先王所以盡乎人也自冥氏下至于庭氏凡十二人先王所以盡乎物也夫大而人之為民害者既革微而物

之為民害者已消則先王之刑通乎天地之心矣

祭氏德晉曰刑禁之官既備則姦慝不作而良民得安其生矣然使物類之凶邪者不除則民雖免于寇盜之傷殘猶不免于獸蟲之毒害而其生未暢遂也

更設冥氏以下十二官凡猛獸妖鳥狸蟲毒蠱之屬一切去之而後萬物之害悉除宇宙皆太和之氣而民得嬉遊于化日矣

庶氏下士一人徒四人注庶讀如藥煮之煮驅除毒蟲之言書不作庶者字從聲

穴氏下士一人徒四人注穴搏擊獸所殺者

翼氏下士二人徒八人注翼鳥翮也鄭司農云翼讀為翅翼之翼

柞氏下士八人徒二十人注柞除木之名除木者必先刊剝之

薙氏下士二人徒二十人注書雜或作夷鄭司農云掌殺草故春秋傳曰如農夫之務去草芟夷藎崇之又今俗間謂麥下為夷下言芟夷其麥以其下種禾豆也元謂薙讀如髡小兒頭之髡書或作夷此皆薙草也字從類耳月令曰燒薙行水謂燒所芟草乃水之

若族氏下士一人徒二人注鄭司農云若讀為適族讀為爵族之族謂巢也元謂若古字從石折聲

翦氏下士一人徒二人注翦斷滅之言也主除蟲蠹者

赤友氏下士一人徒二人注赤友猶言抹拔也主除蟲身自理者

蠲氏下士一人徒二人注鄭司農云蠲讀為蠅蠅蠹也月令曰蠲蠲鳴故曰掌去蠲蠲蠲蠲蠲蠲屬書或為掌去蠲

墓元謂蠲今御所食蛙也字從蟲國聲也蠲乃短狐與

壺涿氏下士一人徒二人注壺謂耳鼓涿擊之也

庭氏下士一人徒二人注庭氏主射妖鳥令國中潔清如庭者也

王氏安石曰周禮所載道路溝澮一草木一昆蟲小小利害或興或除而地官秋官之職分矣凡所興利以地官主之凡所除害以秋官主之王氏應電曰秋官掌刑而有冥氏以下十二官則凡猛犸昆蟲與夫托于神姦而為害者並不能逃夫刑罰之威而况于姦惡暴亂之人乎

銜枚氏下士二人徒八人注銜枚止言語也枚狀如箸橫銜之為之結於項

高氏愈曰國有大事庶民羣羣非政體矣故立銜枚氏禁之其隸秋官者司寇掌邦禁故也

伊耆氏下士一人徒一人注伊耆古王者號始為蜡以息老物此主官與今姓有伊耆氏

郝氏敬曰物至秋成且老故齒杖屬之

大行人中大夫二人小行人下大夫四人司儀上士八人

中士十有六人行夫下士三十有二人府四人史八人

胥八人徒八十人注行夫主國使之禮

朱子曰周禮最是大行人等官屬之司寇難曉按親禮諸侯行禮畢則降而內祖請刑于廟門之東王曰伯父無事歸甯乃邦然後再拜稽首出所謂懷諸侯則天下畏之也所以屬之於司寇如此

此等處皆是合著如此初非聖人私意唐氏曰伯夷降典而繼以折民惟刑司儀行人之官必屬司寇此古者德刑相表裏之意

環人中士四人史四人胥四人徒四十人

鄭氏鈔曰周官有二環人夏官之環人掌教師此官掌環遠賓客而為之衛事雖不同皆有取於循環之義故皆名環人

象胥每翟上士一人中士二人下士八人徒二十人注通夷狄

之言者曰象胥其有才知者也此類之本名東方曰寄南方曰象西方曰狄觀北方曰譯今總名曰象胥周之德先致南方也

掌客上士二人下士四人府一人史二人胥二人徒二十人

掌訝中士八人府二人史四人胥四人徒四十人注訝迎也賓客

來主迎之

掌交中士八人府二人史四人徒三十有二人注主交通結語侯之好

掌察四方中士八人史四人徒十有六人

掌貨賄下士十有六人史四人徒三十有二人

高氏愈曰凡賓客往來恐有挾詐為非常者立掌察以察之賓客之來必有貨賄相遺立掌貨賄以司其出納自大行人至此共十一官皆掌賓客之事而大行人為之長以下十官皆其屬也

朝大夫每國上士二人下士四人府一人史二人庶子

八人徒二十人注此王之士也使主都家之國治而命之朝大夫云疏庶子者蓋亦主采地之諸子在府史之下者蓋官長所自

辟除也

黃氏度曰庶子未有位故敘于府史之下

高氏愈曰朝上士而曰大夫者自王親言之則為上士自都家言之則尊而目之曰大夫

都則中士一人下士二人府一人史二人庶子四人徒

八十八人注都則王都家之八則者也當言每都如朝大夫及都司馬云

都士中士二人下士四人府二人史四人胥四人徒四

十人家士亦如之注都家之士主治都家吏民之獄訟以告方士者也亦當言每都

薛氏補曰刑官之終宜首舉都家之士而先朝大夫次都則而後及於都士家士何也蓋八則以治都都七曰刑賞以馭其威使威福得以自行則是兩政耦國之漸也故於王朝各設朝大夫以主其治都則以守其法而後以都士家士明其刑然後編維一掌於上也

李氏光地曰秋官主刑設官而禁副之大司寇總掌

刑禁之典法小司寇佐理刑而為刑罰獄訟之總司

士師佐用禁而為羣獄訟之總司獄官先刑官而設

鄉士遂士縣士方士訝士為羣獄訟之分司皆士師

屬以地次之羣地之獄訟皆斷弊於朝故朝士後之

獄訟既弊次以司民者見民者天之所司王之所敬

刑罰不可不中也獄成不可易有五刑以麗其辟故次司刑有刺宥以附于刑故次司刺五刑之作民覆誼盟故司約司盟正之盟約失而獄訟興刑罰滋多於是罪輕而贖刑者則職金受其入罪重而笞戮者則司厲執其法稍重而未麗于法者則司圜主收教之已在刑者則囚而刑殺故掌囚掌戮又次之囚戮從坐者免刑任役故司隸又次之而所俘翟隸亦以類屬焉凡此圜囚隸戮之人官爲防守之司故置犬人官于其間以犬主守示義類也自此以下刑官具矣雖然刑非得已也貴用禁故下皆以禁官次之禁其大凡則布憲通禁於天下禁其非常則禁殺戮禁暴氏嚴禁于國中刑尙寬禁尙密刑有所不及禁無所不至自野廬氏至修閭氏八職外而道路內而里

閭雍事不有禁設蜡氏雍氏萍氏司寤氏司烜氏條狼氏于中間所以使行者無害死者有主陸走者無險阻水浮者不沒溺時其宵晝行止節防其焚災除其不蠲禁行至此可謂大細不捐禁官具矣自冥氏至庭氏十二職草木鳥獸爲民害者驅而除之義之盡也是刑官之餘也繼以銜枚氏司囂者無端歌哭雜氣妖聲不祥也弭而消之仁之盡也是禁官之餘也於是刑禁畢次以伊耆氏者民安物阜收秋養之成也此以上皆王官行法於王國中者也其天下邦國則大司寇以所建之三典頒布使施行之而邦國諸侯奉法守紀惟恐干王刑典之誅故于朝覲會同日肉袒請刑而王者亦因其無事與之修賓客之禮于是大行人小行人司儀之官從之而設而行夫掌

小事環人掌通送逆象胥掌四夷使以類屬焉其掌客之飲食掌訝之迎待皆以盡賓客之禮而掌交掌察掌貨賄又推賓客之禮而廣其用申其義于邦國也末因邦國而及都家故次以朝大夫都則而卒之以都士家士終刑官之用

蕙田案刑官之屬卿一人大司寇也中大夫四人小司寇二大行人二也下大夫八人士師四小行人四也上士二十六人中士百六十四人下士二百四十七人其朝大夫都則都士家士皆上中下士而數無考大行人即漢典客及大鴻臚之職

考工記凡攻木之工七攻金之工六攻皮之工五設色之工五刮摩之工五搏埴之工二（注攻猶治也搏之言拍也埴黏土也故書七為十刮作梳鄭司

屬云一為七說摩之工謂玉工也梳讀為刮其事亦是也攻木之工輪輿弓廬匠車梓攻金

之工築冶鳧桌段桃攻皮之工函鮑鞞韋裘設色之工畫績鍾筐筐刮摩之工玉柳雕矢磬搏埴之工陶旃（注事官之

屬六十此職其五材三十一工畧記其事耳其曰某人者以其事名官也其曰某氏者言有世功若族有世業以氏名官者也廬子執矜也國語侏儒扶廬梓榎屬也故書雕或為舟鄭司農云輪輿弓廬匠車梓此七者攻木之工官別名也孟子曰梓匠輪輿

蕙田案事官之屬已亡所可推而知者大司空卿一人小司空中大夫二人匠師下大夫四人（據大宰疏云匠師司空之考）上士八人中士十六人旅下士三十二人而已

又案以上六官之目

禮記明堂位周三百（注周之六卿其屬各六十則周三百六十官也此云三百者記時冬官亡矣）

通典周六萬三千六百七十五員（內二千六百四十三人外諸侯國官六萬一千三十二人）

按禮記王制計之商制同

馬氏端臨曰杜氏通典所載周之官數則以為出於禮記王制今考之其所謂外諸侯官六萬一千三十三人者以王制云殷時天下諸侯國千七百七十三內大國二百四十九次國五百一小國一千二十三

大國次國則皆三卿五下大夫二十七上士唯小國二卿其大夫與士如大國次國之數大凡列國卿大夫士有六萬一千三十二人其數是矣獨所謂內官二千六百四十三人者未知何據謹按周家之官數莫詳于周禮今以周禮太宰以下及其屬稽其員數之可考者除冬官一篇已亡無所稽據外而五官所掌其有命官而難考員數者如山虞每大山中士二人中山下士六人小山二人川衡每大川下士十二人之類是也又有元無命官者如酒人漿人之為奄

女御女祝之為女方相氏之為狂夫蠻隸罪隸之為徒隸是也若此之外則其數未嘗不昭然可考大槩為公者三人為卿者二十四人六官六六卿六世婦六宮十二中大夫共六十八人下大夫共二百九十三人上士共一千一百三十四人中士共四千五百三十五人下士共一萬九千二百零九人自公而至下士總計二萬五千二百六十六人此則周禮所載內官可考之數也與前數殊不脗合今姑具載其目于後以俟考訂之精詳者共評之

周禮命官員數

公 鄉老每二鄉公一人鄭注王置六鄉則公有三人

卿 太宰一天官大司徒一地官鄉大夫每鄉卿一人注六卿則

大宗伯一春官世婦每宮卿二人

卿六人各主一卿之事然總屬司徒非六官兼卿大夫也地官

設官分職

注王后六宮則十二人
疏謂此為奄卿春官
不能知其官數員數然司空
之為卿一人不言可知也

右卿共二十四人

中大夫 小宰二司會二右天官共四人小司徒二師氏一遂

人二州長每州一凡三十州計三十人遂大夫每遂

一人六遂計六人右地官共四十一人小宗伯二大司樂二內史

一右春官共五人小司馬二戎右二大馭二戎僕二校人二職

方氏四右夏官共十四人小司寇二大行人二右秋官共四人

右中大夫共六十八人

下大夫 宰夫四太府二司會四內宰二右天官共十二人鄉

師四黨正每黨一人凡一百五十黨計一百五十人

保氏一司市二司門二遂師四縣正每縣一人凡三

十縣計三十人廩人二右地官共一百九十五人肆師四世婦每宮四

人六宮當二十四人冢人二墓大夫二樂師四太師

二太卜二太祝二太史二內史二巾車二右春官共四十八人軍

司馬四射人二司士二諸子二虎賁氏二太僕二司

甲二司弓矢二齊右二齊僕二職方氏八右夏官共三十八人士

師四小行人四右秋官共八人

右下大夫共二百九十三人

上士 宰夫八宮正二膳夫二醫師二太府四玉府

二司會八司書二職內二職歲四職幣二內宰四內

小臣奄上士四鄭注奄稱士者異其賢愚按此必奄官之受爵命如後

之奄與府史等也右天官共計四十六人鄉師八族師每族一凡七百五十族計

七百五十人載師二縣師二師氏二司市四泉府四

司門四司關二掌節二遂師八鄙師每鄙一人凡一

百五十鄙計一百五十人土均二稻人二廩人四舍

通官分職

七

人二百四十八人二右地官共九肆師八天府一職喪二樂師八小師四

卜師四太祝四喪祝二大史四內史四外史四巾車

四都宗人二家宗人二右春官共五十三人與司馬八司勳二掌

固二候人六射人四司右二小臣四繕人二戎右二

道右二道僕十二田僕十二校人四土方氏五右夏官共六十

鄉士八職金二司儀八掌客二右秋官共二十八

右士共一千一百三十四人

中士 宰夫十六宮正四宮伯二膳夫四庖人四內

饗四外饗四獸人四獻人二食醫二疾醫八酒正四

宮人四玉府四內府二外府二司會十六司書四職

內四職歲八職幣四司裘二內宰八典婦功二右天官共一百

鄉師十六閭胥每閭一人凡三千閭計三千人封

人四鼓人六牛人二載師四閭師二縣師四遺人二

均人二保氏二司諫二司救二司市八質人二廛人

二泉府八司門八司關四掌節四遂師十六鄧長每

鄧一人凡七百五十鄧計七百五十人旅師四委人

二土均四稻人四土訓二誦訓三迹人四邝人二閭

人四廩人八舍人四倉人四司祿四右地官共三千八百九十八人肆師

十六天府二典瑞二典命二司服二典祀二世婦每

宮八人六宮四十八人冢人四墓大夫八職喪四大

胥四典同二磬師四鍾師四笙師二鐃師二籥師四

籥章二卜人八龜人二筮人二占夢二眠祲二小祝

八喪祝四司巫二巫師二小史八馮相氏二保章氏

二內史八外史八御史八巾車八典路二車僕二司

常二都宗人四家宗人四右春官共二百四十八人行司馬十六馬質

二司險二掌疆八司士六諸子四虎賁氏十二旅賁

設官分職

氏二祭僕六司甲八司兵四司弓矢八橐人四馭夫
 二十職方氏十六懷方氏八合方氏八訓方氏四形
 方氏四山師二川師二邊師四匡人四揮人四右夏官
共二百
 八朝士十六遂士十二縣士三十二方士十六訝士
 儀十六環人四掌訝八掌交八掌察四方八都則一
 都士二家士二右秋官共一
百五十七人

右中士共四千五百三十五人

下士 太宰旅三十二宮正八宮伯四膳夫八庖人
 八內饗八外饗八亨人四甸師二獸人八獸人四鱓
 人四腊人四醫師四瘍醫八獸醫四酒正八凌人二
 宮人八掌舍四幕人一掌次四太府八司裘四掌皮
 四典婦功四典絲二典臬二染人二追師二履人二

夏采四

右天官共一
百七十九人

司徒旅三十二路長每比一人凡一

萬五千比計一萬五千人封人八舞師二牧人六牛
 人四充人二遺人四均人四調人二媒氏二司市十
 六質人四廛人四泉府十六司門十六又每門二人
 主城十二門計二十四人遂師旅三十二里宰每里
 一人凡三千里計三千人旅師八稍人四委人四土
 均八草人四甸人八土訓四誦訓四迹人八州人四
 角人二羽人二掌葛二掌染草二掌炭二掌茶二掌
 蜃二函人八廩人十六倉人八司祿八司稼八右地官
共一萬
 八千九 宗伯旅三十二鬱人二嚮人二雞人一司尊彝
 二司几筵二典祀四職喪八樂師十六小胥八磬師
 八鐘師八笙師四鋪師四鞀師二旄人四籥章四
 鞀氏四典庸器四司干二卜人十六華氏二占人

小祝十六喪祝八甸祝二詛祝二小史十六馮相氏
 四保章氏四內史十六外史十六御史十六巾車十
 六典路四車僕四司常四右春官共二百七十五人司馬旅三十二司
 勳四量人二小子二羊人二司燿二掌固八司險四
 候人十二環人六挈壺氏六射人八服不氏一射鳥
 氏一羅氏一掌畜二司士十二司右四旅賁氏十六
 節服氏八御僕十二隸僕二弁師二司戈盾二繕人
 四馭夫四十校人十六趣馬一巫馬二牧師四廋人
 二土方氏十山師四川師四邊師八右夏官共二百四十六人司寇旅
 三十二司刺二司約二司盟二職金四司厲二犬人
 二司圜十二掌囚十二掌戮二司隸十二布憲四禁
 殺戮二禁暴氏六野廬氏六蜡氏四雍氏二萍氏二
 司寤氏二司烜氏六條狼氏六修閭氏二真氏二庶

氏一穴氏一翼氏二柞氏八雍氏二蒼族氏一翦氏
 一赤艾氏一蠲氏一壺涿氏一庭氏一銜枚氏二伊
 耆氏一行夫三十二掌客四掌貨賄十六都則二都
 士四家士四右秋官二百一十三人
 右下士共一萬九千二百零九人

有命官難考員數

山虞每大山中士二人下士八人中山下士六人小
 山下士二人族黨州縣鄉鄙遂皆有定數可以推官數之多少如云每
 遂中大夫一人則六遂可知為六人族師每族上士一人則
 七百五十族可知為七百五十人之類若山澤
 之名數則注家不言其有幾所以難考官數林衡每大林麓下士
 十二人申林麓如中山之虞小林麓如小山之虞川
 衡每大川下士十二人申川下士四人小川下士二
 人澤虞每大澤大藪中士四人下士八人中澤中藪
 如中川小澤小藪如小川場人每場下士二人司闕

每闕下士二人內宗凡內女之有爵者外宗凡外女之有爵者都司馬每都上士二人中士四人下士八人象胥每翟上士一人中士二人下士八人朝大夫每國上士二人下士四人

無命官

酒人奄鄭注謂官人賈疏謂不稱士則此奄亦府史之類漿人奄籩人奄醢人奄醢人奄

史內司服奄縫人奄胥師賈師司聽司稽肆長鄰長

春人奄僖人奄橐人奄守祧奄瞽矇眠瞶凡以神仕

者方相氏圉師罪隸蠻隸閩隸夷隸貉隸

沈氏彤周官祿田考官爵數周天子制官之祿皆以

爵為差於其內外諸侯官亦如之故欲知周官之祿

數必先考周官之爵數而欲并知內外諸侯官之祿

亦必先考其官之爵周天子具六官官之爵六等曰

公曰孤卿曰中大夫下大夫曰上士曰中士曰下士

庶人在官者屬焉典命職云王之三公八命其卿六命不別言三孤命數則并孤于卿矣云其大夫四命則大夫不以

中下殊矣爵與命之等當相因故二者皆并為一等考工記稱九卿卿以六卿三孤稱之則孤亦名卿而為一等孟子王制序大夫皆止一等其明徵也后

宮婦官之爵亦六等女給事屬焉凡天子之官之爵

其有常數可周知而見本經及注者公三人孤三人

卿五官官一人冬官亡例推于後雖數定者不計又地官鄉大夫每鄉卿

一人六鄉則六人凡十一人中大夫天官四人地官

五人又州長每州一人三十州則三十人遂大夫每

遂一人六遂則六人春官五人夏官十四人秋官四

人凡六十八人下大夫天官十二人地官十五人又

黨正每黨一人百五十黨則百五十人縣正每縣一

人三十縣則三十人春官二十四人其世婦下大夫見後餘並同夏官

夏官

夏官

設官分職

三

三十人秋官八人凡二百六十九人上士天官四十
六人地官四十八人又族師每族一人七百五十族
則七百五十人鄙師每鄙一人百五十鄙則百五十
人春官五十三人夏官六十七人又僕夫十人序官文
故謂今
補考秋官二十人又象胥每翟一人六翟則六人凡千
一百五十人中士天官百一十八人地官百四十八
人又閭胥每閭一人三千閭則三千人鄼長每鄼一
人七百五十鄼則七百五十人春官百五十八人夏
官百五十八人秋官百五十二人又象胥每翟二人
六翟則十二人凡四千四百九十六人下士天官百
七十九人又寺人五人故謂其師
今考入此地官二百七十二人
又比長五家一人萬五千比則萬五千人里宰每里
一人三千里則三千人司門每門二人王城十二門

則二十四人司關每關二人王畿十二關則二十四
人場人每場二人九穀九場則十八人春官二百七
十五人夏官二百四十三人又馭夫二人故謂此數
今考補趣
馬百九十二人如校人職駕馬三良馬之誤
為三則百九十八人今考正廋人每閑二人
天子十二閑則二十四人秋官百九十三人又條狼
氏八人故為六人
今考正象胥每翟八人六翟則四十八人凡
萬九千五百有七人其不見經註而數皆可推者上
士為郊之縣正十一縣則十一人中士為郊之鄙師
野之縣正郊五十五鄙野九百五十三縣人各如縣
鄙之數凡千有八人下士為郊之鄼長野之鄙師郊
二百七十四鄼野四千七百六十五鄙人各如鄙鄼
之數凡五千有三十九人通計三萬一千五百六十
五人其庶人在官者府天官八十五人地官七十九

設官分職
三

人又司門每門一人十二門則十二人司關每關一人十二關則十二人場人每場一人九場則九人春官百一十二人夏官七十六人秋官七十人凡四百五十五人史天官百四十八人地官百七十一人又司門每門二人則二十四人司關每關二人則二十四人場人每場一人九場則九人春官二百七十一人夏官百八十一人又廋人每開二人十二開則二十四人秋官百五十九人凡千有一十一人胥天官百七十四人地官二百有二人春官百六十六人夏官二百四十五人秋官百五十九人又條狼氏八人故為六人今考正凡九百五十四人徒天官二千二百有四人地官二千五百三十二人又司門每門四人則四十八人司關每關四人則四十八人場人每場二十八人

則百八十人春官千八百四十人夏官千九百四十八人又廋人每開二十人則二百四十人又趣馬千有八人圉師千五百一十二人如校人誤字趣馬千一百五十二人圉師千七百二十八人今考正秋官千九百九十八人又條狼氏八十人故為六十八人今考正象胥每翟二十人六翟則百二十二人又掌客二十人故為三十人今考正凡萬三千七百七十八人非府史胥徒而相類者天官賈四十四人奄二十五人工二十二又閹人二十八人漢無此數今考定內豎十人地官賈八人奄十二人春官奄八人瞽矇三百人眡瞭三百人鞮師舞者十六人工百有四人夏官賈八人虎士八百人狂夫四人工四人馬醫四人又圉師六百一十二人圍人二千五百九十二人如校人誤字圍師六百四十八人圍人二千八百有八人今考正秋官賈四人又罪隸百二十人蠻隸百二十人閩隸百

五禮通考卷三百五十五設官分職

二十人夷隸百二十人貉隸百二十人凡五千五百
 有五人通計二萬一千七百有三人其后宮婦官之
 爵夫人視公三人嬪視孤卿九人春官世婦每宮卿
 二人視中大夫后六宮凡十二人見賈氏公彥疏下大夫每宮
 四人凡二十四人天官女祝四人女史八人皆視上
 士凡十二人春官世婦每宮中士八人凡四十八人
 天官內司服女御四人故為二人今考正縫人女御八人皆視
 下士凡十二人通計百二十人其給事之女府及史
 春官世婦每宮女府二人凡十二人女史二人凡十
 二人天官女酒三十人女漿十五人女籩十人女醢
 二十人女醢二十人女鹽二十人女冪十人女工八
 十人地官女春抗二人女饋八人又女橐每奄二人
 橐人八奄則女橐十六人春官女祧每廟二人天子

七廟通姜嫄為八廟見則十六人皆類于胥凡二百
 四十七人天官奚六百七十二人地官奚四十五人
 又女橐每奄奚五人則四十人春官守祧每廟奚四
 人則三十二人世婦每宮奚十六人則九十六人皆
 類於徒凡八百八十五人通計千一百五十六人其
 見于經而不可周知其數者五官之屬十一上士都
 司馬二人家司馬二人家司馬故無數今考補餘並同朝大夫二人中士
 山虞四人澤虞八人都司馬四人家司馬四人都則
 一人都士二人家士二人下士山虞十六人林衡二
 十人川衡二十人澤虞三十二人都司馬八人家司
 馬八人朝大夫四人都則二人都士四人家士四人
 庶人在官者山虞百八十三人林衡二百二十五人
 川衡二百二十五人澤虞三百六十六人都司馬九

五禮卷之三 設官分職

音

十八人家司馬九十八人朝大夫三十一人都則八十七人都士五十八人家士五十八人司市下胥師一人賈師一人史四人司諶二人司稽四人胥十人肆長二十人皆每官人數其凡無考其官本無爵數亦無常者春官之屬四男巫巫凡以神仕者旄人舞者其爵有常數而闕者冬官是也然以五官爵數之可周知者去其婦官去其公孤及鄉遂郊野官鄉遂官二萬二千八百七十二人郊野官六千有五十八人存二千六百二十九人而五分取一以

例冬官之有爵者約五百二十餘人以五官在官庶人數之可周知者而五分取一以例其在冬官者約四千三百四十人并五官所可周知之數凡五萬九千四百餘人此天子外內官爵及凡在官者大總數之畧也若內諸侯之官之爵由經注及他傳記所見

推之則在公四等自卿而下在孤卿三等自大夫而下在大夫二等自上士而下其數公之卿二人下大夫五人上下士各若干人孤卿之大夫二人上士五人下士若干人大夫之上士二人下士五人其縣鄙之士皆上士為縣正下士為鄙師公七縣三十三鄙孤卿二縣八鄙大夫二鄙上下士皆各如縣鄙之數通計爵數之可知者在公四十七人在孤卿十七人在大夫九人其王子弟之官之爵在親者如公在次疏者如孤卿在更疏者如大夫若外諸侯之官之爵則在上公六等自孤而下在侯伯五等在子男四等皆自卿而下其數公之孤一人卿三人下大夫五人上士二十七人中下士各若干人侯伯之卿大夫如之子男之卿大夫亦如之士則上二十七人下若干

人無中此皆見于經註及他傳記其無所見而可推
知者上公爲大國三鄉三遂卿鄉大夫三人下大夫
州長十五人遂大夫三人凡十八人上士黨正七十
五人縣正十五人凡九十人中士族師三百七十五
人鄙師七十五人凡四百五十人下士閭胥千五百
人鄩長三百七十五人凡千八百七十五人其野二
百二十六縣千一百三十鄙中士爲縣正下士爲鄙
師皆各如縣鄙之數侯伯爲次國二鄉二遂卿鄉大
夫二人下大夫州長十人遂大夫二人凡十二人上
士黨正五十人縣正十人凡六十人中士族師二百
五十人鄙師五十人凡三百人下士閭胥千人鄩長
二百五十人凡千二百五十人其野侯百四十四縣
七百一十九鄙伯七十二縣三百六十一鄙皆中士

爲縣正下士爲鄙師各如其縣鄙之數子男爲小國
一鄉一遂卿鄉大夫一人下大夫州長五人遂大夫
一人凡六人上士黨正二十五人縣正五人凡三十
人下士族師百二十五人鄙師二十五人凡百五十
人其野子三十一縣百五十五鄙上士爲縣正下士
爲鄙師皆各如縣鄙之數男一鄙下士爲鄙師如其
數通計爵數之可知者在上公三千八百二十八人
在侯二千五百二十二人在伯二千有九十二人在
子四百有八人在男二百二十三人其他有爵官及
婦官及在官庶人女給事之在內外侯者數皆無考
郊野之設官何以知之曰小司徒見四郊之吏遂大
夫見凡爲邑者縣師見都鄙稍甸郊里之羣吏固歷
有明文也且使鄉遂之外而無官則畿疆以內教多

不逮聖人之所以擾萬民者豈若是其疎哉何以知
郊之官爲縣正鄙師鄧長而爵爲上中下士野之官
爲縣正鄙師而爵爲中下士也曰遂之法計家以爲
縣鄙而郊野如之則卽其縣鄙以設官亦如遂至官
之爵等則遞降于遂也何以知郊野之亦爲縣鄙也
曰司常云州里建旃縣鄙建旃大司馬云鄉遂載物
郊野載旃州里卽鄉遂也於鄉舉大於遂舉細大謂州
細謂里郊野卽縣鄙也大司馬舉其地司常舉其家皆互相
備也且縣鄙對州里而言則不在六遂之中而在郊
野明矣郊野對鄉遂而言則在鄉遂之外而爲縣鄙
又明矣其縣鄙而亦計家以爲也若之何曰王畿百
同私田當五百一十二萬夫通不易一易再易三等
之率而家受二夫當二百五十六萬家則一同當二

萬五千六百家郊地四同當十萬二千四百家以七
萬五千家爲六鄉餘二萬七千四百家以二萬五千
家爲十縣中含鄙五十鄧二百五十餘二千四百家
以二千家爲四鄙中含鄧二十餘四百家以爲四鄧
四鄙當亦爲一鄙并四鄙當亦爲一縣則爲縣十一
鄙五十五鄧二百七十四也野有甸稍縣畺四等地
甸十二同當三十萬七千二百家以七萬五千家爲
六遂餘當二十三萬二千二百家稍二十同當五十
一萬二千家縣二十八同當七十一萬六千八百家
畺三十六同當九十二萬一千六百家去六遂家數
存二百三十八萬二千六百家則爲縣九百五十三
中含四千七百六十五鄙也若其家而各有增減則
縣鄙亦從而增減焉此所列者皆經傳舉中法也凡

公邑皆稱縣鄙稍縣置有都家則不如郊甸之皆爲
公邑而亦專計其縣鄙何也曰縣鄙者都家之所居
也本大率及大司徒注故經于采邑必兼都鄙稱之且都家無定
數而縣鄙有常計縣鄙則于官爵之多少考稽尤便
也何以知郊野官之爵等遞降于遂也曰野與郊之
差猶鄉遂也鄉遂制同而鄉內遂外則遂官之爵降
鄉官一等故知郊野制同而郊內野外則野之官之
爵亦降郊之官一等也至郊在遂內爲六鄉餘地而
官之爵反降于遂者乃因郊之家亦以縣鄙名爲六
遂屬別之餘其地等之降固殊常也然則遂人造縣
鄙形體之法何在野而不在郊也曰野對郊爲甸稍
縣置獨舉則或兼郊或兼郊與鄉遂人治野之溝塗
兼郊而復兼鄉也經田野而造縣鄙不兼鄉而已兼

郊也則名郊之家爲縣鄙也又何疑郊之官自里宰
而下野之官自鄴長而下曷不并計其數而列之曰
是皆官之無爵者無爵則無祿與遂之鄰長同非考
祿所須也至序官之無郊野官文脫耳否則卽遂官
爲例而省也

三等國鄉遂之官爵略倣王畿其鄉遂之數何以定
之曰凡遂之數與鄉同鄉之數與軍同蓋鄉遂俱萬
二千五百家鄉在郊內爲正遂在郊外爲副而軍則
萬二千五百人天子六鄉故爲六軍則大國三軍知
其三鄉次國二軍知其二鄉小國一軍知其一鄉矣
六鄉者六遂則三鄉者三遂二鄉者二遂一鄉者一
遂矣費誓曰魯人三郊三遂疏以三郊爲三鄉魯次
國而三鄉三遂何也曰諸侯地沃民眾蓋亦得爲三

鄉三遂以就大國之列然侯與伯同七命同食者三之一則二鄉二遂乃其常觀春秋書襄公十二年作三軍則伯禽之後襄公之前嘗爲二軍其時固二鄉二遂也王畿之鄉遂比長里宰以下士而大國次國乃無爵何也曰降王畿一等也王制云諸侯之上大天卿下大夫上士中士下士凡五等是其國不設中大夫故州長遂大夫知並以下大夫爲之遞降而下則下士適當爲閭胥鄩長矣

蕙田案沈氏推周禮官爵之數較之文獻通考更爲詳確又地官祇載鄉遂之官而郊野設官獨闕今以王畿百同之地除六鄉六遂外推算得郊內有十一縣五十五鄩二百七十四鄩野有九百五十三縣四千七百六十

五鄩凡郊野官六千有四十七人可補向來注家之未備

祿田數周天子及內外諸侯官之祿雖其籍皆亡而未嘗不散見經註及他傳記今卽官爵公田之數復以所散見者參互考之以悉差其等而粗存其數周天子之官則公食四都孤卿食都中下大夫食縣上士食甸中士食邱下士食邑其庶人在官者食井若在內諸侯則公之卿食甸下大夫食邱上士食邑下士與庶人在官者食井孤卿之大夫士食如之大夫之士食亦如之親王子弟之卿大夫士食如公次疏者之大夫士食如孤卿次更疏者之士食如大夫若在外諸侯則上公之孤食都卿食縣下大夫食甸上士食邱中士食邑下士與庶人在官者食井侯伯之

五禮通考卷三十三
卿大夫士食亦如之子男之卿食甸下大夫食邱上
士食邑下士與庶人在官者食井若內諸侯之加田
則其宰各以其爵分食之外諸侯孤卿大夫之加田
亦如之凡所食皆取諸公田天子之公田三十二萬
夫公三人人食二千有四十八夫凡六千一百四十
四夫孤卿十四人人食五百一十二夫凡七千一百
六十八人中下大夫三百三十七人人食百二十八
夫凡四萬三千一百三十六夫上士千一百五十八
人食三十二夫凡三萬六千八百夫中士四千四百
九十六人人食八夫凡三萬五千九百六十八夫下
士萬九千五百有七人人食二夫凡三萬九千有一
十四夫庶人在官者二萬一千七百有三人人食五
十畝凡萬有八百五十一夫五十畝又不見于經而

推知其爵數者上士十一人食三百五十二夫中士
千有八人食八千有六十四夫下士五千有三十九
人食萬有七十八夫又所闕冬官之有爵者約五百
二十餘人其所食以五官食數去其公孤及鄉遂郊
野官之食公孤去七千六百八十八夫鄉遂官去十二萬五千
五百二十夫郊野官去萬八千四百九十四夫存三萬
五千有三十夫而五分取一以例之當食七千有餘
夫所闕庶人在官者約四千三百四十人以五官在
官庶人之食例之當食二千一百七十夫通計二十
萬六千七百四十餘夫為員備位定而數可周知者
常祿之總數王自食二萬有四百八十夫后世子與
王子弟之未官未封者婦官女給事王宮士庶子之
食及國中之法用皆于是給焉其外九萬二千七百
七十餘夫以食他有爵之官及在官庶人以給國中

及鄉遂郊野之法用亦分在所封都邑中若內諸侯
之公田公二千有四十八夫王食者五百一十二夫
自食者三百二十夫其卿二人食六十四夫下大夫
五人食四十夫上士七人食十四夫下士三十三人
食十六夫五十畝凡百三十四夫五十畝存千有八
十一夫強孤卿五百一十二夫王食者百二十八夫
自食者八十夫其大夫二人食十六夫上士七人食
十四夫下士八人食四夫凡三十四夫存二百七十
夫大夫百二十八夫王食者三十二夫自食者二十
夫其上士二人食四夫下士七人食三夫五十畝凡
七夫五十畝存六十八夫強凡所存皆以食他有爵
之官及在官庶人與給國中縣鄙之法用其所加之
公田皆食其宰與給縣鄙之法用若外諸侯之公田

上公八萬夫王食者四萬夫自食者五千一百二十
夫其孤一人食五百一十二夫卿六人食七百六十
八夫下大夫二十三人食七百三十六夫上士百一
十七人食九百三十六夫中士六百七十六人食千
三百五十二夫下士三千有五人食千五百有二夫
五十畝凡五千八百有六夫五十畝存二萬九千有
七十三夫強侯五萬一千二百夫王食者萬七千有
六十六夫強自食者千二百八十夫其卿五人食六
百四十夫下大夫十七人食五百四十四夫上士八
十七人食六百九十六夫中士四百四十四人食八
百八十八夫下士千九百六十九人食九百八十四
夫五十畝凡三千七百五十二夫五十畝存二萬九
千一百夫強伯二萬八千八百夫王食者九千六百

夫自食者如侯其卿五人下大夫十七人上士八十七人食並如侯國中士三百七十二人食七百四十四夫下士千六百一十一人食八百有五夫五十畝凡三千四百二十九夫五十畝存萬四千四百九十九夫強子萬二千八百夫王食者三千二百夫自食者三百二十夫其卿四人食百二十八夫下大夫十一人食八十八夫上士五十七人食百一十四夫下士三百有五八食百五十二夫五十畝凡五百四十四夫五十畝存八千七百三十五夫強男三千二百夫王食者八百夫自食者如子其卿四人下大夫十一人上士五十七人食並如子國下士百五十一人食七十五夫五十畝凡四百有五夫五十畝存千六百七十四夫強凡所存以給他祿食及法用與在所封

都邑中悉如王畿凡外諸侯食王自九貢而外皆供王行及使于諸侯及諸侯見王使于王往來過邦及王所以救邦國之食與內諸侯之入稅殊若畿內賞地加賞田及致仕官進士學士守固士庶人之食並無常數則減省攝官試官封邑官之食足以當之畿外國亦如之

天子之公食四都孤卿食都中下大夫食縣何以知之曰載師以家邑之田任稍地以小都之田任縣地以大都之田任疆地家邑卽縣注云大夫之采地包乎中下小都卽都注云卿之采地兼乎孤大都卽四都注云公之采地夫公孤卿大夫之采地如是則未封者之所食可例推矣所以例推者何曰小宰聽祿位以禮命明制祿之多寡本以爵等而兼命數也典

命云王之三公八命其卿六命其大夫四命及其出封皆加一等是出封之前不以采地之有無而殊其命數明矣

疏云王朝公卿大夫亦有舊在畿內有采地之封者今乃封于畿外也

夫命數同者雖爵

異而祿亦同故孤卿皆六命則皆食都中下大夫皆四命則皆食縣况爵等與命數俱同者甯以封不封而殊其食也封邑者之所食以報其大功德也豈未封邑而不之稍殊乎曰封邑者其公田之入有貢于王然兼有山澤林麓之利且子孫世守之若未封者固無地貢而祿僅公田之入亦及身而止則所食雖同而多寡久近未嘗不稍殊也上士食甸中士食邱下士食邑庶人在官者食井何以知之曰由大夫食縣而差之每上以四則每下亦以四也是何田與爵之適相當也曰田自邑至都止五等四其都亦止六

等而孤在卿上大夫有中下爵本八等若不令孤卿同六命中下大夫同四命以并爵為六等則上下之田安得皆以四為差是田與爵之適相當者由命數齊之蓋聖人于爵祿命三者固更迭參互以各得其制也 上公之孤食都卿食縣下大夫食甸上士食邱中士食邑下士與庶人在官者食井何以知之曰凡命數同者祿亦同則命數殊者祿亦殊與命云公之孤四命其卿三命其大夫再命其士一命命各半於王國則其食當亦降於王國矣降止一等者以降二等則下士將不得祿也侯伯之卿大夫士食如公之國也何以知之曰與命稱侯伯之卿大夫士其命數皆如公國則其祿亦皆如公國也士之一命上中下同乎曰中下士不命其祿秩專以爵等耳何以知

設官分職

三

中下士不命也曰卿三命半王之卿大夫再命半王

之大夫其上士之命適半王之中士而中下士不得

命矣且卿三命比王之上士大夫再命比王之中士

則一命而比王之下士者必上士獨也凡卿之食縣

下大夫之食甸有徵乎曰左傳衛免餘云惟卿備百

邑見襄十七年鄭志以為邑方二里見坊記說熊氏說以餘餘辭邑之

身謂一乘之邑則據是百邑即方二十里之縣也言當據古法故如此釋之杜氏解左

當時備擬說也易訟卦邑三百戶鄭注云小國之

之有加田者俱卿所食也

下大夫采地方一成其定稅三百家見坊記小當作大惠定

訟九二不克訟歸而逋其邑人三百戶无青鄭以爻位二為大夫三百戶于采

地為至薄苟自藏隱守至薄之祿而不敢與五為敵則无青也但采地三百戶

在大國誠至薄在小國未嘗不厚小字恐大字之誤成去三之一即甸也有此二徵而

上下皆可無疑矣若未封者之食與已封者同亦如

畿內耳晉語叔向云大國之卿一旅之田上大夫一卒之田按彼卿之祿

者一卒之田即一邱不易者也時雖多所變更猶有周官遺制子男之卿食甸下大夫食邱上

士食邑下士與庶人在官者食井何以知之曰子男

無中士故上士降而食邑上士食邑則卿大夫之食

之遞降明矣大國次國卿大夫士之食既降於王國

一等而小國又降於大國次國一等何也曰子男之

卿再命其大夫一命其士不命皆降大國次國一等

故也此亦以命數之殊而殊其祿也庶邦孤卿大

夫之加田其宰各以其爵而分食如王畿也可悉推

而知乎曰宰者家之貴臣也喪服傳謂之室老曲禮

謂之家相詳喪服傳注疏在王畿公以卿為之孤卿以大夫為

之大夫以上士為之由王畿例推而下則上公之孤

之宰當卿卿之宰當大夫大夫之宰當上士侯伯之

卿之宰當大夫大夫之宰當上士子男之卿之宰當

設官分職

三

上士矣有徵乎曰論語稱公叔文子之臣為大夫檀弓稱陳子車之宰為家大夫明侯國之卿其家臣有大夫而大夫即其宰也潘景祖云陽也為季氏宰而則餘所推者宜亦無不得矣文子子車果皆為卿乎曰苟子車按大夫之禮自處亦以此恭賦而大夫其宰安得並稱大夫至文子聽衛國之政亦見檀弓焉有聽國政而非卿者何以知上公之孤之宰非大夫而卿也曰上公之孤四命燕禮稱孤為公蓋如王之公王之公以卿為宰故知上公之孤亦以卿為宰而不與三命卿之宰同也王之公果以卿為宰乎曰左傳有所謂王叔之宰者王卿士之大夫也襄十年傳云王叔之宰與伯與之大夫坐獄于王庭按王叔伯與皆王卿士宰即大夫大夫即宰互文也卿以大夫為宰則公之宰卿而大夫之宰上士皆可知矣凡宰之人數各有幾曰制事之謂宰本白蓋家止一人猶王之

有冢宰諸侯之有執政也其宰之各分加田而食也如之何曰王之公之卿食甸則上公之孤之卿亦食甸矣王之孤卿之大夫食邱則上公侯伯之卿之大夫亦食邱矣王之大夫之上士食邑則上公侯伯之大夫之上士子男之卿之上士亦食邑矣子男之卿之宰亦上士而食邑何以知之曰以子男之卿再命與公侯伯之大夫同也

蕙田案官必有祿祿出於田自周官司祿經亡注家未得其法數歐陽永叔始有官多田少祿將不給之難後之篤信周官者不能無疑其說吳江沈氏彤作祿田考以官爵及公田二者一一推算其確數官數則於鄉遂屬吏之外并郊野之吏而補之田數則去山林

五禮通考卷三十三
川澤等三之一又通不易一易再易之率以
二夫當一夫然後以縣都邱甸并邑六等之
田當公卿大夫士五等之爵不獨相當且有
餘田以供他用而歐陽子之疑可不辨自明
矣此說有功於周官甚大故備採其義於此
又案以上論周官官數及田祿之數

鄭氏伯謙曰或問太宰至旅下士其爲官凡六十有
三而爲府者六爲胥與史者皆十有二而爲徒者百
有二十何也曰此皆兼官也專官行事則不足兼官
行事則有餘矣蓋自唐虞以來禹以司空而兼百揆
羲和以二人而兼四岳及舜二十二人之容則四岳
實一人兼之古者官不必備惟其人而已有其人則
備無其人則兼是以周官之作實倣唐虞之制而官

事不攝吾夫子所以深責管仲變先王之法也以三
公言之召公爲保周公爲師而太傅無有焉召公實
兼之也周公既沒召公爲保而太師太傅無有焉召
公實兼之也不惟此也三公之下實有三少當時不
見其人召公又兼之乃同召太保奭芮伯彤伯畢公
衛侯毛公是六卿之長召公又兼之蓋一人之身而
兼總七職矣抑不惟此也當時三公三少既難其人
而六卿之官亦不必備周公以三公兼冢宰召公以
三公兼宗伯蘇公以三公兼司寇畢公毛公以三公
兼司馬司空惟成王之季年芮伯彤伯衛侯實專領
司徒宗伯司寇之職其餘大抵皆兼官也其大者猶
兼而况于百官羣有司乎故嘗以周禮考之二鄉則
公一人是三公兼鄉老也一鄉則卿一人是六卿兼

鄉大夫也軍將皆命卿是六卿又兼六軍之將也甚者太公以太師而兼司盟之職載在盟府太師職之是也蘇公以三公而兼太史之職太史司寇蘇公是也故夫六官之中以春夏秋冬為通率以多少相乘除大約一官凡五百人則六官凡三千人而其兼行權攝者意其必相半焉天官卿大夫命士三百五十餘人地官餘餘人春夏秋三官凡五百餘人見上八官通率之凡三千人也是以局分不必設府史胥徒不別置雖置而其數亦未嘗過濫也且不見鄉老遂師而下平府史胥徒四者俱無有何獨于天官冢宰而疑之也若夫專官行事勢宜多而不宜省則儻人之與甸師其徒皆三百人而春官御史其史則百有二十八矣

葉氏時曰周官曰唐虞官百夏商官倍考之周禮六

官之屬凡三百六十是周官又倍于夏商也案天官之屬六十有二地官七十有九春官七十有一夏官七十秋官六十有六凡三百五十有二冬官不預小宰言三百六十者舉大數也不特此耳天官自太宰小宰宰夫至旅下士凡六十有三此卿大夫士之數也為府者六為胥為史者皆十有二為徒者百有二十凡百有五十人此庶人在官之數也地官春官秋官皆然夏官掌兵則史十六人胥三十二人徒二百二十人通六官計之已一千五百有二人其餘六官之屬除地官鄉遂山澤等官及庶人在官者只合大夫士計之以多少相準一官不下四百人合長貳而言則六官幾三千人矣成周官吏可謂繁冗然卿大夫士之職分為六官之屬安知其不為兼官耶且以

五書官分職

三公言之君奭曰召公爲保周公爲師則太傅不備矣顧命曰乃同召太保奭則太師太傅不備矣又有公兼冢宰者惟周公位冢宰是也有公兼司寇者太史司寇蘇公是也太保率西方諸侯畢公率東方諸侯又以公兼二伯也至如召太保奭芮伯彤伯畢公衛侯毛公此六卿之長也而以三公侯伯領之大而公卿必相兼攝則下而百司庶府獨不可兼攝乎案周禮言二鄉則公一人是三公兼鄉老也一鄉則卿一人是六卿兼大夫也六軍將皆命卿是六卿又兼六軍之將也世婦每宮卿二人是六卿又兼六宮之職也世婦謂每宮二人則十有二人其六卿之長貳乎以此推之如地官鄉遂之官夏官司馬之屬必皆六卿之屬兼之六卿之屬雖各有名大抵多兼攝也

而況官屬有不可以專置者地官如迹人角人羽人掌炭掌荼等職只征一物秋官如庶氏冥氏穴氏若族氏赤艾氏等官只攻一事豈無可兼者乎有不可常置者田詛則有甸祝詛祝祭祀軍旅其杖禁鷩則有伊耆氏銜枚氏喪紀則有職喪喪祝夏采豈無可攝者乎若夫地官比閭族黨鄰里都鄙等官並無府史胥徒可知其使民興賢出使長之也其他如春官大司樂大胥太師太卜太祝太史夏官太僕小臣祭僕戎右齊右道右大馭戎僕齊僕田僕馭夫秋官大行人小行人司儀等官亦無府史胥徒非上下相兼則它官相攝也惟夫相兼攝也則官制雖倍于古而其職不冗于古也大抵官惟其人雖公不備官事不攝夫子譏之然則成周之官雖無慮三千員而實不

過三百六十屬也蓋古者天子建官三公九卿二十七大夫八十一元士今案周禮鄉老卽三公鄉大夫軍將世婦卽六卿則知六官三百六十屬亦惟以此等大夫士爲之雖六官所謂大夫士之數如彼其多其爲兼攝可知矣至于府史胥徒之在官者天官有三千六百六十有六人春官有二千二百四十有一人夏官有三千二百六十有五人秋官二千六百五十有七人地官無常數冬官不可考只以四官計之已萬人矣是皆使民興能入使治之也其徒則大司徒起徒役而爲之與考論周之官制大而公卿長貳次而大夫士之屬既有兼攝則官何嫌于冗下而比閭族黨小而府史胥徒之眾又興于民則數何嫌于多乎蓋周人因事以置官周禮因官以存名居官而

不兼其職則官冗兼官而不存其名則官廢知周禮兼官之職又知周禮存官之名則可與言官制矣

蕙田案鄭氏葉氏論六官可以相兼攝不必備其人其說善矣然其中亦多疎舛如鄉大夫主六鄉之政其事甚繁春官之世婦係內職豈得以六卿兼之又如三公三孤官不必備周公召公爲師保而太傅及三孤不見謂之不備可也謂召公兼之則伯謙之臆說也大司樂與樂師同署大胥與小胥同署大師與小師同署大卜與卜師卜人同署大祝與小祝同署大僕小臣祭僕與御僕同署大行人小行人司儀與行夫同署故府史胥徒共之葉氏謂大司樂諸官俱無府史胥徒然則

大宰小宰亦無府史胥徒乎惟車右與御身
執其事故不設府史胥徒耳讀者宜分別觀
之

周氏世禕曰設官一事代有不同繁簡因革之間大
抵視世運爲升降唐虞稽古建官惟百內有百揆四
岳外有州牧侯伯庶政和焉萬國甯焉然足以治唐
虞之天下或不足以治後世之天下于是乎夏商則
倍之夏之官制史傳缺如弗可深考或以王制三公
九卿一說當之殆未必然商之官制見于曲禮有六
太有五官有六府有六工官雖未必盡此而此亦其
大畧也周之成王仰法前代訓迪厥官周官一篇曉
暢言之顧第舉其綱未及其目周禮之三百六十屬
則及其目矣夏商倍于唐虞則周之倍于夏商槩可
知也乃若猶是官也有古重而後世輕者少昊名官
首及歷正唐堯分職先命羲和至于後世星術之屬
降爲雜流矣有古設而後世廢者太皞以還皆有五
行之官若句芒若祝融若蓐收若元冥若后土封爲
上公祀爲貴神至于後世不過司天一家畧寓其意
其實官之廢則已久矣有猶是官而分合異者有虞
之時伯夷典禮后夔典樂而兵刑並掌于皋陶至于
後世禮樂合爲一官而兵刑分爲二矣有猶是官而
統屬異者殷之太宗太史太祝太士太卜皆屬于太
宰其五官則有司士无宗伯至周則改司士爲宗伯
而祝宗卜史悉屬之矣凡此設官之不同總因世運
爲升降耳

蕙田案此條論上古及三代官制之同異

周禮春官大宗伯以九儀之命正邦國之位注每命異儀貴賤之位乃正春

秋傳曰名位不同禮亦異數壹命受職注始見命為正吏謂列國之士於子男為大夫再命

受服注鄭司農云受服受祭衣服為上士元謂此受元冕之服列國之大夫再命

三命受位注鄭司農云受下大夫之位元謂此列國之卿四命受器注鄭

云受祭器為上大夫元謂此公之孤始得有祭器者也禮運曰五命賜則注鄭

大夫具官祭器不假聲樂皆具非禮也王之下大夫亦四命六命賜官注鄭司農云子男入為卿治一官

云則者法也出為子男元謂則地未成國之名王之下大夫四命出封加一等七命賜國注王

則方五十里合今俗說子男之地獨劉子駿等識古有此制八命作牧注謂侯

得自置其臣治九命作伯注上公有功德者加命為二伯

家邑如諸侯十命作甸注上公有功德者加命為三伯

德者加命得專征伐于諸侯鄭司十一命作男注上公有功德者加命為三伯

農云一州之牧王之三公亦八命十二命作采注上公有功德者加命為三伯

諸侯為十三命作衛注上公有功德者加命為三伯

方伯十四命作甸注上公有功德者加命為三伯

典命掌諸臣之五等之命十五命作男注上公有功德者加命為三伯

無四命以至五命明臣有五等通不命也據下文大國孤四命其卿三命

大夫再命士一命侯伯之卿以下如公子男之卿再命大夫一命士不命王之

三公八命其卿六命其大夫四命及其出封皆加一等

其國家宮室車旗衣服禮儀亦如之注四命以下大夫也出封

等襄有德也大夫為子男卿為侯伯其在朝廷則亦如命數耳王之上下三命

中士再命下士一命公之孤四命以皮帛注四命以下大夫也出封

其出封皆加一等者三公八命者為九命上公六命卿為七命侯伯四命大夫為

五命子男其國家宮室車旗衣服禮儀亦以命數為差也注云四命以下大夫者

見序官有中下大夫于此經唯見四命大夫見知中下大夫同四命也注云出封

者內封于八州之中者其王朝公卿大夫亦有舊在畿內有采地之封是封畿內

夫無功可進無過可退者不得出封以知加一等為南面之君者是褒有德也卿

為侯伯大夫為子男鄭不言三公者雖出封加命爵仍是公不與故不言也云王

之上三命中士再命下士一命經既不言而鄭言之者此典命所以主命數序

官有三等之士此文不見故以意推之必知士有三命以下者見經大夫四命四

命以下惟有三等之命序官有上士中士下士故以三等之命而說之也然公卿

大夫以八命六命四命為陰爵者一則擬出封加為陽爵二則在下為臣是陰

胥臣以一命命卻缺為卿則晉亦有再命一命之卿大約諸侯之卿其命數以次而加但不得過三命耳

又案以上諸臣命數之等

右周禮官制下

周禮天官冢宰乃施典于邦國而建其牧立其監設其

參傅其伍陳其殷置其輔謂八命作牧者監謂公侯伯子男各監一國書曰王啟蓋厥亂為民參謂卿三人伍謂大夫五人鄭司農云殷治律輔為民之平也元謂殷眾也謂眾士也王制諸侯上士二十七人其中士下士各居其數之三分輔府史庶人在官者也疏每州之中立一牧每國之中立一諸侯使各監一國設其參者謂諸侯之國各立三卿傅其輔者謂三卿下各設府史胥徒諸侯三卿司徒司馬司空也大夫五人謂司徒下二大夫一大夫為司徒大夫一大夫為太宰大夫司空下二大夫一大夫主司空事一大夫為司徒大夫司馬事一夫為太宰大夫司空下二大夫一大夫主司空事一大夫為司徒大夫司馬事一夫為太宰大夫司空下二大夫一大夫主司空事一大夫為司徒大夫司馬事一夫為太宰大夫司空下二大夫一大夫主司空事

朱子曰監疑謂天子大夫為三監者蓋謂之邦國則

固已有君矣但建牧立監以佐之設卿大夫士以輔之耳

乃施則于都鄙而建其長立其兩設其伍陳其殷置其

輔謂公卿大夫王子弟食采邑者兩謂兩卿不言三卿者不足于諸侯鄭司農云兩謂兩丞疏公卿士子弟為采邑之主以是一邑之長故言長每采地之中立兩卿案與命云三公八命其卿六命其大夫四命大宗伯云八命賜官彼注至六命之卿為官者使得自置其臣治家邑如諸侯則此云長唯據公卿已下大夫四命不合立官此并言大夫者以大夫雖立官不與公卿同亦得稱長是廣解長義其實大夫不含有兩卿五大夫當與諸侯之卿同官事當相兼也親王子弟食邑與三公同在五百里重地各百里其次疏者在四百里縣地各五十里與六卿同已上二者得立兩卿五大夫之等其次更疏者在三百里稍地各食二十五里與大夫同不得立兩卿五大夫亦職相兼也畿外諸侯南面為尊故得伸而立三卿天子三公六卿雖尊以其在天子之下故屈而立兩卿

沈氏彤曰疏以大夫降于卿不合有兩卿五大夫豈知卿降于公而亦不容有乎故惟在公則兩為卿伍為大夫殷為上士若在卿則兩為大夫伍為上士殷為下士在大夫則兩為上士伍為下士春秋傳謂周公舉蔡仲為己卿士瑕禽為王卿士伯與之大夫是

公之兩為卿卿之兩為大夫皆有明徵而其下可例推矣

蕙田案邦國畿外諸侯也都鄙畿內諸侯也周禮不及侯國之官制惟見于此而命數則詳于典命職云

書酒誥予惟曰汝劼毖殷獻臣傳劼固也我惟告汝曰汝侯甸

男衛矧太史友內史友傳侯甸男衛之國當慎接之况越獻臣百

宗工矧惟爾事服休服采傳於善臣百尊官不可不慎况矧惟若

疇圻父薄違農父傳圻父司馬農父司徒身事且猶敬慎况所順疇若

保宏父定辟矧汝剛制于酒傳宏父也宏父司空當順安之司馬司

梓材汝若恒越曰我有師師司徒司馬司空尹旅曰予

罔厲殺人

朱子曰牧誓所言司徒司馬司空蓋未克商時侯國之官故內則以冢宰敷教而鄭氏以為諸侯并六卿為三故以司徒兼冢宰皆諸侯三卿之證也唯宋得備六官說者以為二王之後得用天子制度理或然也

春秋定公四年左氏傳祝宗卜史進大祝宗人備物典策

官司彝器命以伯禽而封於少皞之虛卜大史凡四官

蕙田案春秋時侯國各有祝宗卜史之官皆世其職蓋始封時所授也

禮記明堂位有虞氏官五十夏后氏官百殷二百周三

百凡四代之官魯皆兼之疏此明魯家兼有四代之官然魯是諸侯

傳司徒司空之下各有二小卿司馬之下一小卿是三卿五大夫也今魯雖設廢崇何得備立四代之官而備二百六十職者當成王之時褒崇于魯四代官中雜存官職名號是使魯有之非謂魯得盡備其數但記者盛美于魯因舉四代官之本數而言之

周氏世樟曰侯國官制但有司徒司馬司空而無太宰宗伯司寇牧誓酒誥立政諸篇皆同及攷左傳諸國皆有司寇而魯有夏父弗忌爲宗伯國語單子過陳篇稱宗祝執祀司寇詰奸似侯國雖无太宰而仍有宗伯司寇何也蓋宗伯司寇侯國本無此二官左傳所言者乃東周諸侯之所添設也古者天子一事設一官諸侯不能備官一人常兼二三事故崔氏云司徒兼冢宰司馬兼宗伯司空兼司寇及東周時諸侯皆帝制自爲管仲以大夫之家而官事不攝況諸侯乎然而三卿舊制終不可沒卽以左傳觀之子產入陳命司徒致民司馬致節司空致地杜洩謂季孫曰吾子爲司徒叔孫爲司馬孟孫爲司空皆三卿並列而不及宗伯司寇其爲添設明矣侯國無太宰惟

宋爲王者之後故有之若吳楚之有太宰僭也侯國之禮官但有宗人无宗伯其刑官但有小司寇及士師無大司寇侯國之有宗伯大司寇亦僭也王制三等之國皆有五大夫所謂五大夫者崔氏云司徒之下置小宰及小司徒也司空之下置小司寇及小司空也司馬之下置小司馬也至于宗人併不在五大夫之列按成王封魯分以祝宗卜史則宗人之秩蓋在卜祝之間也

右周侯國官制

五禮通考卷第二十五

五禮通考卷第二十五

內廷供奉禮部右侍郎金匱秦舊編輯 翰林院編修嘉慶大昕 參校

李太保督纂嘉慶桐城方觀承同訂 嘉慶嘉慶副使元和宋宗元

嘉禮八十九

設官分職

春秋隱公元年秋七月天王使宰咺來歸惠公仲子之

賵通周禮天官卿一人小宰中大夫二人宰夫下大夫四人宰夫職曰凡

邦之弔事掌其戒令與其器幣財用既掌弔事或即充使此蓋宰夫也

顧氏棟高曰王人見于經者惟宰書官正義曰穀梁傳曰天子之宰通于四海

其意言宰者六官之長官名通于海內當謂太宰之長官耳其屬官不應得通

而宰咺宰渠伯糾則必非長官亦稱爲宰者蓋自宰夫以上皆通也愚意家宰

紀法之守桓公篡弒王不能討即位四年未嘗一朝入室而王使下聘仲子諸

侯之妾以冢宰歸賵皆非禮也故特書官以示譏若宰夫

以下則如劉夏石尙書名可矣何必具官正義說非也

隱公三年左氏傳鄭武公莊公爲平王卿士注卿士于賵

八年左氏傳號公忌父始作卿士于周

程氏啟生曰鄭伯爲左卿士則號公右卿士也鄭伯奪政之後蓋

周公黑肩代之故桓公五年伐鄭之役號公將右軍周公將左軍

顧氏棟高曰案哀十六年傳楚白公勝謂石乞曰王與二卿士杜注二卿士子西子期也定元年傳子家子曰若君立則卿士大夫與守邇在是諸侯執政者亦謂之卿士

桓公二年左氏傳周內史聞之

桓公四年天王使宰渠伯糾來聘說傳言父在故名則于法當書字但中下大夫例皆書字故直

言王官之宰不指小宰宰夫

莊公十九年左氏傳王收膳夫之秩

二十二年左氏傳周史有以周易見陳侯者注史周太史也

三十二年左氏傳有神降于莘惠王問諸內史過曰是何故也

僖公九年公會宰周公于葵邱注天子三公

十六年左氏傳隕石于宋五六鵠退飛過宋都周內史

叔與聘于宋宋襄公問曰是何祥也吉凶焉在

顧氏棟高曰觀此及莊三十二年傳則內史亦掌占候吉凶之事蓋太史之屬也

二十四年左氏傳太叔以狄師攻王王御士將禦之注禮王

之御士十二人疏周禮無御士之官惟夏官太僕之屬有御僕下士十二人掌王之燕命

二十八年左氏傳王命內史叔與父策命晉侯為侯伯

顧氏棟高曰周禮內史職曰凡命諸侯及孤卿大夫則策命之鄭司農引此傳為証

三十年天王使宰周公來聘注天子三公兼冢宰也

顧氏棟高曰僖二十八年踐土之盟國語以王子虎為太宰文公而經兩書宰周公皆在僖公時或中有遷代

文公元年左氏傳王使內史叔服來會葬

成公二年左氏傳王使委于三吏注三吏三公也疏曲禮云五官之長曰伯其擯于天子也曰

天子之吏鄭云謂三公也是三公稱吏

襄公十年左氏傳晉滅偃陽使周內史選其族嗣納諸

霍人注內史掌爵祿廢置者

單靖公為卿士以相王室

十五年左氏傳官師從單靖公逆王后于齊卿不行非

設官分職

二

禮也

注官師到夏也 疏祭法云官師一廟鄭云官師中士下士也是天子官師非卿也

二十一年左氏傳欒盈過周辭于行人

注王行人也

將歸死于尉氏

注尉氏討奸之官 疏周禮司寇之屬無尉氏之官蓋周室既衰官名改易於時有此官耳

蕙田案漢以廷尉主刑名蓋因於此

王使司徒禁掠欒氏者歸所取焉

疏周官司寇掌詰奸慝刑暴亂常使司寇而云司徒者以司徒

掌會萬民之卒伍以起徒役以比追胥以此追寇盜見其所掌獲得罪人乃使司寇刑之耳

使候出諸輶轅

注候迎送賓客之官

顧氏棟高曰周禮夏官有候人各掌其方之道治與其禁令以設候人若有方治則帥而致于朝及歸送之于竟周語云救國賓至候人為道是諸侯亦有候人也

二十六年左氏傳晉韓宣子聘于周王使請事對曰晉士起將歸時事于宰旅無他事矣

顧氏棟高曰周禮太宰之屬旅下士三十有二人

昭公九年左氏傳周甘人與晉閻嘉爭閻田王使賓滑

執甘大夫襄以說于晉

疏典邑大夫法當以邑名冠之而稱人甘人是甘縣大夫知閻嘉是晉之閻縣大夫

顧氏棟高曰周禮縣正每縣下大夫一人各掌其縣之政令徵比則此縣大夫即周禮之縣正也

二十一年左氏傳天王將鑄無射冷州鳩曰王其以心

疾死乎

注冷樂官

二十二年左氏傳司徒醜以王師敗績于前城

哀公六年左氏傳有雲如眾赤鳥夾日以飛三日楚子

使問之周太史

蕙田案以上周

隱公二年左氏傳司空無駭入極

注魯司徒司馬司空皆卿也

十一年左氏傳羽父請殺桓公將以求太宰

疏天子六卿天官為太宰諸侯

則并六為三而兼職焉昭四年傳稱季孫為司徒叔孫為司馬孟孫為司空則魯之三卿無太宰羽父名見于經已是卿矣而復求太宰蓋欲令魯特設是官以榮已耳以後更無太宰知魯竟不立之

文公十八年左氏傳宮僕來奔季文子使司寇出諸竟

設官分職

三

襄公二十一年左氏傳季孫謂臧武仲曰子為司寇將盜是務去

蕙田案臧宣叔武仲皆官司寇而名見於春秋則魯之司寇亦卿官矣顧甯人謂臧紇為小司寇者非是

昭公四年左氏傳杜洩曰君使三官書之吾子為司徒

實書名注謂季孫也書名定位號夫子為司馬與工正書服注叔孫也服車服

孟孫為司空以書勳注勳功也疏周禮大司徒掌十二教十有一曰

號也周禮夏官司馬其屬有司士掌羣臣之政以德詔爵以功詔祿正雖不屬司馬掌作車服故與司馬書服也周禮司勳屬夏官今司空書勳者春秋之時又

是諸侯之法不可盡與禮同

定公元年左氏傳孔子之為司寇也溝而合諸墓注孔子

在定公十年後

孔氏穎達禮記正義崔靈恩云諸侯三卿司徒兼冢宰司馬兼宗伯司空兼司寇三卿之下有五大夫五大人者司徒之下立二人小宰小司徒司馬之下以

其事省立一人為

子為司空者為小司空也後小司空為小司寇也崔所以知然者曾有益叔季三卿為政又有臧氏為司寇故知孔子為小司寇

十一年左氏傳仲尼命申句須樂頎下伐之注仲尼時為司寇

子世家云定公以孔子為中都宰一年四方皆則之由中都宰為司空由司空為大司寇十年會于夾谷時已為司寇矣十四年孔子由大司寇攝行相事是此時仲尼為司寇

蕙田案魯自成襄以後司徒司馬司空三卿常以季孟叔三家居之而子叔氏臧氏亦以世卿見於春秋又如成二年戰于鞏季孫行父臧孫許叔孫僑如公孫嬰齊四卿並行其時尚有仲嬰齊仲孫蔑兩卿則魯亦有六卿但其官名惟臧孫許知是司寇餘二卿則不可考耳冉求稱孔子為國老而孔子之卒書於魯史蓋昭定之世臧氏漸微故以孔子代

之崔氏以為小司寇者疑非然也

桓公六年左氏傳子同生卜士負之士妻食之注禮世子生三日卜士負

之射人以桑弧蓬矢射天地四方卜士之妻為乳母

莊公九年左氏傳師及齊師戰于乾時我師敗績公喪

戎路傳乘而歸秦子梁子以公旗辟于下道是以皆止

注二子公御及戎右也

十一年左氏傳乘邱之役公以金僕姑射南宮長萬公

右顛孫生搏之注禮弓云魯莊公及宋人戰于乘邱縣賁父御卜國為右車右與此不同者禮記後人所錄聞于所聞之口其事未必實也

三十二年左氏傳圍人犖

顛氏棟高曰周禮夏官有圍師圍人掌養馬者

閔公二年左氏傳成季之將生也桓公使卜楚邱之父

卜之注卜楚邱魯掌卜大夫

僖公二十一年左氏傳夏大旱公欲焚巫尫

顛氏棟高曰周禮司巫中士二人掌羣巫之政令若國大旱則率巫而舞雩鄭司農引此傳為証

文公二年左氏傳于是夏父弗忌為宗伯注宗伯掌宗廟昭穆之禮

顛氏棟高曰諸侯不應有宗伯而周禮春官之屬有都宗人掌都祭祀之禮宗人掌家祭祀之禮定四年傳稱魯公之封有祝宗卜史杜氏解宗為宗人魯語哀姜至公使大夫宗婦觀用幣宗人夏父展曰非故也章注宗人宗伯也則魯之宗人亦謂之宗伯蓋其所掌與周官小宗伯同

蕙田案魯之夏父氏蓋世為宗人之官左傳

以弗忌為宗伯蓋僭稱也春秋諸國皆不立

宗伯以諸侯三卿五大夫無宗伯小宗伯故

也

四年左氏傳衛甯武子來聘使行人私焉

顛氏棟高曰案行人見于經者六竝以見執書是乃一時奉使非專官又案襄四年正義云周禮大行人掌大賓之禮大客之儀小行人掌使適四方協賓客之禮諸侯行人當亦通掌此事故為通使之官然則經傳所書行人雖各異其職掌正同

十一年左氏傳鄭瞞侵齊遂伐我公使叔孫得臣追之

設官分職

五

侯叔夏御莊叔綿房甥為右富父終甥駟乘注駟乘四人共車

十五年左氏傳下人以告注下邑大夫

顧氏棟高曰案昭四年申豐論藏冰曰縣人傳之杜曰縣人遂屬正義曰五縣為遂然周禮有遂人遂大夫而無縣人疑諸侯之縣大夫即謂之縣人也襄十年傳駟人乾正義曰公邑大夫皆以邑名冠之呼某人成二年傳衛新築人仲叔于奚杜曰守新築大夫昭二十一年傳宋厨人饗杜曰厨邑大夫是邑大夫通呼為人也

襄公四年左氏傳匠慶謂季文子注匠慶魯大匠

七左氏傳叔孫昭伯為隧正注隧正主役徒疏隧正官名當周禮之遂人

二十三年左氏傳公鉏出為公左宰注出季氏家臣仕于公

顧氏棟高曰魯有左宰即當復有右宰衛有右宰即當復有左宰然不知其所掌何職也

孟氏將辟藉除于臧氏臧孫使正夫助之注正夫隧正疏隧正當屬司徒臧氏為

將盟臧氏季孫召外史掌惡臣而問盟首焉疏周禮外史掌書外合掌四方

之志今季孫召外史蓋魯亦立此官也

顧氏棟高曰此疏言魯亦有外史之官而序文疏內則云史官身居在外季孫從內召之故曰外史又以南史外史皆非官名今據尚書諸侯得有內史則亦有外史也

二十七年左氏傳十一月乙亥朔日有食之辰在申司歷過也再失閏矣

蕙田案失閏者乃太史之屬所謂諸侯有日御是也

二十八年左氏傳叔孫穆子食慶封使工為之誦茅鴟樂師

二十九年左氏傳使工為之歌周南召南樂師

顧氏棟高曰周禮春官太師下大夫二人小師上士四人其下有瞽矇之屬鄭注云凡樂之歌必使瞽矇為焉命其賢知者以為太師少師魯論有太師掣少師陽而傳無之今案昭九年傳屠蒯酌以飲工而檀弓以為即師曠則是太師以下通謂之工也

楚人使公視穉乃使巫以桃茆先祓殯注巫者接神之官

顧氏棟高曰周禮男巫王弔則與祝前喪祝王弔則與巫前鄭司農引此傳為證

設官分職

昭公二年左氏傳韓宣子來聘觀書于太史氏見易象

疏大史職掌書籍必有藏書之處若今之祕閣

與魯春秋曰周禮盡在魯矣

注公御士

四年左氏傳公御萊書

五年左氏傳南遺使國人助豎牛以攻仲壬于大庫之庭司宮射之

十七年左氏傳日有食之祝史請所用幣

二十五年左氏傳公果賁使侍人僚祖告公

三十二年左氏傳公疾徧賜大夫賜子家子雙琥一環璧輕服受之公薨子家反賜于府人

哀公三年左氏傳桓僖災南宮敬叔至命周人出御書侯于宮

注周人司問書典籍之官御書進于君者也

子服景伯至命宰人出禮書

校人駕乘車 注宰人家之屬 校人乘馬巾車脂轄 注校人掌馬巾車掌車 公父文伯至命

蕙田案魯諸侯不設冢宰當有小宰以大夫為之而宰人則其屬也校人巾車皆周禮官名

二十四年左氏傳公子荆之母嬖將以為夫人使宗人豐夏獻其禮對曰無之公怒曰女為宗司立夫人國之大禮也何故無之

注宗人禮官

蕙田案以上魯所設官之見於傳者其左宰及周人二官則他國無之

襄公七年左氏傳南遺為費宰

顧氏棟高曰宰本家臣之名而邑長亦稱宰正義曰公邑稱大夫私邑稱宰然昭二十六年傳成大夫公孫朝是私邑亦稱大夫哀八年傳王犯嘗為武城宰是公邑亦稱宰也

十年左氏傳孟獻子以秦董父為右

二十三年左氏傳季氏以公鉏為馬正

注馬正家司馬

孟氏之御駟豐點

注駟是掌馬之官蓋兼掌御事謂之御駟

昭公二十五年左氏傳及季妣與饗人檀通

注饗人食官

叔孫氏之司馬饒戾

顧氏棟高曰周禮家司馬各使其臣以正于公司馬鄭注卿大夫之采地各自使其家臣為司馬主其地軍賦

叔孫昭子齊于其寢使祝宗祈死

顧氏棟高曰此叔孫氏之宗人即周禮所云家宗人也

臧會奔邠邠魴假使為賈正焉

賈正如周禮之賈師其職云各掌其次之貨賄之治辨其物而均平之

禁貴賣者使有恆賈此邠市之賈正也

定公七年左氏傳齊國夏伐我陽虎御季桓子公斂處

父御孟懿子將宵軍齊師

蕙田案以此傳及哀十一年傳推之則魯卿

之御與戎右皆家臣也

八年左氏傳虞人以鈹盾夾之

孟氏選圉人之壯者三百人以為公期築室于門外

十年左氏傳公南為馬正使公若為邠宰武叔使邠馬

正侯犯殺公若弗能其圉人

注叔孫之圉人殺公若

叔孫謂邠工師駟赤

注工師掌工匠之官

哀公十一年左氏傳孟孺子洩帥右師顏羽御邠洩為

右冉求帥左師管周父御樊遲為右

十四年左氏傳叔孫氏之車子鉏商獲麟

疏服虔云車車士考家語有士字王

肅云車士將車者也此則大夫之家主車

蕙田案以上大夫家臣

又案以上魯

桓公六年左氏傳申繻曰晉以僖侯廢司徒

注僖侯名司徒廢為中車

設官分職

顧氏棟高曰僖侯之卒在春秋前百年是春秋時晉久無司徒之官僖二十七年晉文公始作三軍使卻穀將中軍則謂廢司徒為中軍者杜益據後事言也

三年左氏傳曲沃武公伐翼韓萬御戎梁宏為右

莊公二十六年左氏傳士蔿為大司空注大司空卿官

蕙田案獻公時尙以司空為卿至文公作三軍以將佐為六卿而司馬司空僅為散職先王之制盡廢矣

閔公元年左氏傳公將上軍太子申生將下軍趙夙御戎畢萬為右

二年左氏傳晉侯使太子申生伐東山臯落氏狐突御戎先友為右梁餘子養御罕夷先丹木為右注申生以太子將上軍罕夷晉

下軍

僖公八年左氏傳里克帥師梁由靡御虢射為右

十五年左右氏傳步揚御戎家僕徒為右梁由靡御韓簡

虢射為右

顧氏棟高曰晉始作二軍上軍公自將下軍太子將之閔二年傳伐東山臯落氏杜注申生以太子將上軍罕夷下軍卿據此則僖十五年韓之戰亦是公將上軍韓簡則下軍將也僖八年傳里克帥師其御右同韓簡當亦是下軍將

蕙田案以上三條推之則晉初上下二軍之帥無常人矣

僖公二十七年左氏傳蒐于被廬作三軍謀元帥使卻穀將中軍卻漆佐之使狐偃將上軍讓於狐毛而佐之命趙衰為卿讓於欒枝先軫使欒枝將下軍先軫佐之荀林父御戎魏犢為右

顧氏棟高曰晉政卿亦稱元帥僖二十七年傳作三軍謀元帥是也亦稱將軍昭二十八年傳豈將軍食之而有不足是也後世設官有將軍元帥等名其原實起于此

蕙田案晉本大國曲沃以支子併宗國王以一軍命為諸侯閔元年獻公作二軍至是始

復大國三軍之舊

二十八年左氏傳晉卻穀卒原軫將中軍胥臣佐下軍

注先軫以下軍
佐超將中軍

三月立舟之僑以為戎右

注代魏

六月舟之

僑先歸士會攝右

晉侯作三行以禦狄荀林父將中行屠擊將右行先蔑

將左行

注晉置三軍今復增置三行以避天子六軍之名三行無佐疑大夫帥

三十一年左氏傳晉蒐于清原作五軍以禦狄趙衰為

卿

注二十八八年作三行今罷之更為上下新軍二十七年命趙衰為卿讓于欒枝今始從原大夫為新軍帥疏晉語云使趙衰將新上軍箕鄭佐之晉嬰將下軍先都佐之

三十三年左氏傳文公以冀缺為下軍大夫反自箕襄

公以三命命先且居將中軍以再命命先茅之縣賞胥

臣以一命命卻缺為卿復與之冀亦未有軍行

注雖登卿位未有軍列

蕙田案此時晉於五軍將佐十人之外別立卻缺為卿比於天子六卿且將倍之僭妄甚矣

文公二年左氏傳先且居將中軍趙衰佐之玉官無地

御戎狐鞠居為右殺之戰梁宏御戎萊駒為右戰之

明日襄公縛秦囚使萊駒以戈斬之囚呼萊駒失戈狼

暉取戈以斬囚禽之以從公乘遂以為右箕之役先軫

黜之而立續簡伯

六月穆伯及晉司空士穀盟于垂隴

注晉司空非卿也以穀能堪卿事故書

蕙田案士穀非卿而見于春秋蓋亦如卻缺之類以一命為卿而未有軍列者耳

六年左氏傳晉蒐于夷舍二軍

注復三軍之制疏清原之蒐五軍十卿有先軫卻秦先且居狐偃欒枝胥臣趙衰箕鄭晉嬰先都箕之役先軫死往歲趙衰欒枝先且居胥臣卒八年傳說此蒐之事云晉侯將登箕鄭父先都則卻秦狐偃晉嬰亦先卒矣清原十

設官分職

卿惟有箕鄭先都在耳故蒐以謀軍帥也服虔云使射姑代先且居趙盾代趙衰也箕鄭將上軍林父佐也先蔑將下軍先都佐也改蒐于董植盾將中軍射姑奔狄先克代佐中軍

使狐射姑將中軍趙盾佐之陽處父至自温改蒐于董

易中軍注易以趙盾為帥射姑佐之宣子於是乎始為國政既成以授太

傅陽子與太師賈佗使行諸晉國以為常法疏周禮上公之制諸侯三卿晉侯爵而有二軍六卿復有孤二人者晉為伯主多置羣官不能如禮孤尊于卿法由在上故宣子法成授二孤便行之

顧氏棟高曰晉置孤卿已借而有二孤尤非禮也

七年左氏傳趙盾將中軍先克佐之荀林父佐上軍注襄鄭將

上軍居守故佐獨行先蔑將下軍先都佐之步招御戎戎津為右

十二年左氏傳趙盾將中軍荀林父佐之卻缺將上軍

與駢佐之欒盾將下軍胥甲佐之范無恤御戎

宣公元年左氏傳晉人討不用命者放胥甲父于衛注胥甲下

而立胥克

八年左氏傳晉胥克有蠱疾卻缺為政注代趙盾秋廢胥克使

趙朔佐下軍

蕙田案傳凡言為政者皆中軍帥也

十二年左氏傳荀林父將中軍先穀佐之士會將上軍

卻克佐之趙朔將下軍欒書佐之趙括趙同為中軍大

夫鞏朔韓穿為上軍大夫荀首趙同為下軍大夫韓厥

為司馬

十六年左氏傳晉侯請于王以黻冕命士會將中軍且

為太傅疏天子太傅三公之官諸侯太傅孤卿之官周禮典命云公之孤四命鄭云九命上公得置孤卿一人春秋時晉為伯主侯亦置孤卿

十七年左氏傳卻獻子為政

成公二年左氏傳卻克將中軍士燮將上軍欒書將下

軍韓厥為司馬

公會晉師于上鄆賜三帥先路三命之服司馬司空輿

禮通考卷一百一十五設官分職

七

師候正亞旅皆受一命之服

注晉司馬司空皆大夫與師主兵車侯正主斥侯亞旅亦大夫也疏明他國以為卿晉以為大夫軍行有此大夫從者司馬主甲兵司空主營壘亞旅次于卿是取大夫也無專職掌故後言之

蕙田案此及襄十九年傳竝以司馬司空與軍尉興候竝言蓋晉自僖侯廢司徒以後至文公作三軍各以其將佐為卿而司空司馬之官遂不嘗置若軍中所置司馬則周禮軍司馬與司馬之職也司空主軍中營壘與齊之銳司徒辟司徒相類其秩甚卑非諸侯三卿之司馬司空也

成三年左氏傳于是荀首佐中軍矣

晉作六軍韓厥趙括鞅朔韓穿荀騅趙旃皆為卿

注韓厥為新中軍趙括鞅為新上軍韓穿荀騅為新下軍趙旃為新中軍今增此為六軍

蕙田案晉文於三軍之外別立三行後改為

新上下軍其後罷之至景公遂立六軍儼然天子之制矣

四年左氏傳晉欒書將中軍荀首佐之士燮佐上軍

六年左氏傳韓獻子將新中軍且為僕大夫公揖而入

獻子從公立于寢庭

注兼太僕疏太僕職云王視燕朝則正位掌擯相鄭注燕朝于路寢之庭韓獻子既為僕大夫故知寢庭為路寢之庭

十三年左氏傳晉欒書將中軍荀庚佐之士燮將上軍卻錡佐之韓厥將下軍荀營佐之趙旃將新軍卻至佐之卻毅御戎欒鍼為右

蕙田案成三年置新中上下三軍至是止有新軍不言上下知新上下軍罷於此時杜注罷新上下軍在十六年誤

十六年左氏傳欒書將中軍士燮佐之卻錡將上軍荀

偃佐之韓厥將下軍卻至佐新軍荀罃居守卻擊如衛

又如齊皆乞師焉注荀罃下軍佐于是卻擊代趙旃將新軍新上下軍罷死且不復存至此惟有韓厥在耳卻至佐新軍不言中下是新軍惟一

御擊將新軍且為公族大夫

以主東諸侯

十七年左氏傳公使晉童為卿

十八年左氏傳使魏相士魴魏頡趙武為卿疏音語云使呂魴也令狐文子魏頡也又云呂宣子卒公以趙文子佐新軍

魏共子將新軍命狐文子佐之彼言呂宣子魏相也孫共子士魴也

蕙田案晉語所稱則魏相卒後以士魴佐下

軍魏頡將新軍而趙武佐之也鄢陵之役四

軍八卿此時惟欒書荀偃韓厥荀罃四人在

耳士魴繼其父士燮為卿當在厲公之世惟

下軍之佐以下三人則悼公新命之耳

使士渥濁為太傅使修范武子之法

右行辛為司空使修士蔦之法

蕙田案士會為太傅孤卿也士蔦為大司空

卿也此以大夫為之名存而實非矣

弁糾御戎校正屬焉使訓諸御知義注校正主馬官疏周禮大御御官之長別有戎僕

字制戎車春秋征伐之世以御戎為重此御戎當是御之尊者校正當周禮校人掌馬之政衰九年傳命校正出馬知是主馬之官也周禮校人不屬大御此蓋請侯兼官或是悼公新法此傳所言諸官皆不得與周禮同也

荀賓為右司士屬焉使訓勇力之士時使注司士車右之官疏周禮司士掌

羣臣之版以詔王治其職非車右之類不得屬車右也周禮有司右士也掌羣右之政凡國之勇力之士能用五兵者屬焉其下更有戎右中大夫齊右士大夫

道右士此三右或官尊于司右而司右掌其政令春秋之世車右為尊此司士蓋周禮司右之類為車右屬官服虔以為司士主右之官謂司右也

卿無其御立軍尉以攝之注省卿戎御令軍尉攝御而已疏卿謂御克之類往前恆有定員掌共卿御今始省其常員惟

立軍尉之官臨有軍事使兼攝之令軍尉兼卿御也祁奚為中軍尉羊

舌職佐之魏絳為司馬張老為候奄鐸遏寇為上軍尉

籍偃為之司馬使訓卒乘親以聽命疏此唯有中軍上軍無下軍之官者蓋時下軍無關

禮記卷之五 設言分屬

左

不別立其官故也

顧氏棟高曰卿御正義謂如梁餘于養御平表解張御卻克之類今案梁山靡始御里克復御韓簡是亦卿御也春秋時多公自將軍故有公御有卿御然晉三軍將佐固當各有御右如鄆陵之戰韓厥從鄭伯其御杜園羅曰速從之御至從鄭伯其右弗翰胡曰謀略之余從之乘而俘以下厥是下軍之將至是新軍之佐宣二年傳晉侯伏甲將攻趙盾其右

又曰案國語以中軍尉為元尉上軍尉為與尉而傳自有與尉襄十九年傳軍尉與尉皆受一命之服是也又襄三十年傳廢其與尉正義曰服虔云軍尉與尉主發眾使民于時趙武將中軍若是軍尉當是中軍尉也則中軍尉亦稱與尉矣

程鄭為乘馬御六駟屬焉使訓羣駟知禮注乘馬御乘車之僕六駟六閑之駟

周禮諸侯有六閑乘車尚禮容故訓使知禮疏周禮齊僕下大夫掌馭金輅以賓朝親宗通饗食皆乘金輅杜言此是乘車之僕益當周禮之齊僕晉語謂之贊僕當時之官名耳周禮掌駕之官無名駟者襄二十三年傳稱孟氏之御駟豐駟則駟亦御之類月令季秋天子乃教田獵命僕夫七駟成駕鄭康成云七駟謂馭馬周禮馭馬下士掌馭說之類是駟為主駕之官駕車以共御者程鄭為乘馬御之貴者故令掌駕之官亦屬之

十一月韓獻子為政

襄公三年左氏傳使祁午為中軍尉羊舌赤佐之

魏絳佐新軍注服虔云于是魏絳卒矣使趙武將張老為中軍司

馬士富為候奄

四年左氏傳鄆無賦于司馬注晉司馬又掌諸侯之賦

九年左氏傳韓厥老矣知罃稟焉以為政注代將中軍范匄少

於中行偃而上之使佐中軍注使偃佐中軍偃將上軍韓起少於欒黶而

欒黶士魴上之使佐上軍注魴讓起使佐上軍魴將下軍魴佐之魏絳多功以

趙武為賢而為之佐注武新軍將

蕙田案此子囊所述晉四軍將佐鄭子展所謂八卿和睦者是也韓厥請老在襄七年魏絳佐新軍在襄三年

十三年左氏傳荀罃士魴卒晉侯蒐于緜上以治兵使荀偃將中軍士匄佐之趙武將上軍韓起佐之欒黶將下軍魏絳佐之新軍無帥晉侯難其人使其什吏率其卒乘官屬以從於下軍禮也

十四年左氏傳晉舍新軍禮也成國不過半天子之軍
周為六軍諸侯之大者三軍可也

程氏啟生曰春秋置六軍者惟晉其外見于傳者吳有中上下三軍又有右軍為四軍如仍有左軍則五軍也楚亦唯中左右三軍齊中上下三軍魯止有二軍李武于欲弱公室作三軍至昭五年而舍之

十六年左氏傳羊舌肸為傅疏亦當為太傅士會以中軍將兼之故張君臣為中軍司馬祁奚

渥濁亦大夫也諸侯之有孤卿猶天子有三公無人則闕故隨其本官高下而兼攝之也

韓襄欒盈士鞅為公族大夫虞邱書為乘馬御

十九年左氏傳荀偃士匄以中軍克京茲魏絳欒盈以

下軍克邾注欒盈死其子盈佐下軍趙武韓起以上軍圍盧弗克

二十年左氏傳公享晉六卿于蒲圃賜之三命之服軍

尉司馬司空輿尉候奄皆受一命之服

范宣子為政注代荀偃將中軍

二十四年左氏傳晉侯夔程鄭使佐下軍

二十五年左氏傳齊人賂晉侯以宗器樂器自六正注三

六五吏三十帥注五吏文職三十帥武職皆軍卿之屬官三軍之大夫百官之正長

師旅注百官之正長羣有司也師旅小將帥及處守者皆有賂

蕙田案五吏三十帥之名惟見於此

趙文子為政注代范句

昭公二年左氏傳晉韓宣子來聘且告為政而來見

五年左氏傳蘧啟疆曰韓起之下趙成中行吳魏舒范

鞅知盈注五卿位在韓起下皆二軍之將佐也

蕙田案自襄十九年圍齊以後晉三軍將佐

不得其詳以此傳推之則是時韓起將中軍

趙成佐之中行吳將上軍魏舒佐之范鞅將

下軍荀盈佐之也

九年左氏傳使荀躒佐下軍注代其父荀盈

左

十三年左氏傳荀吳以上軍侵鮮虞

二十八年左氏傳魏獻子為政

定公元年左氏傳晉之從政者新注范獻子新為政

六年左氏傳所不以為中軍司馬者有如先君注中軍司馬晉國大夫之最尊者

十三年左氏傳上軍司馬籍秦圍邯鄲

顧氏棟高曰國語以中軍司馬為元司馬上軍司馬為與司馬周禮夏官與司馬下大夫四人與司馬上士八人而晉皆大夫為之不與周禮同

蕙田案晉自范鞅卒後趙氏與范中行相惡定十三年傳有趙鞅士吉射荀寅荀躒韓不信魏曼多六人當為三軍之將佐其位次則無考未幾范中行見逐六卿所存者僅四耳其後知氏亦亾而三家分晉之勢成矣又案以上晉六卿及軍將之屬

隱公六年左氏傳翼九宗五正頃父之子嘉父逆晉侯

于隨注唐叔始封受懷姓九宗職官五正遂世為晉張宗家五正五官之長九宗九姓為一族也

蕙田案九宗五正其後無聞

閔公元年左氏傳下偃曰畢萬之後必大注下偃晉掌卜大夫

僖公四年左氏傳初獻公欲以驪姬為夫人卜之不吉

筮之吉公曰從筮卜人曰筮短龜長不如從長

僖公四年左氏傳與小臣小臣亦斃

顧氏棟高曰周禮天官之屬有內小臣奄上士四人儀禮賈疏諸侯小臣當天子太僕之事此及成十年傳之小臣皆發近之臣則是內小臣而非太僕之小臣也

五年左氏傳公使寺人披伐蒲

僖公十年左氏傳殺平鄭祁舉及七輿大夫注侯伯七命則車七乘

車一大夫主之謂之七輿大夫服虔云上軍之輿帥七人屬中

十五年左氏傳初晉獻公筮嫁伯姬于秦史蘇占之曰

設官分職

不吉注史蘇晉

二十四年左氏傳晉侯之豎頭須守藏者也注豎左

顧氏棟高曰周禮內豎倍寺人之數掌內外之通令凡小事鄭注使童豎通王內外之命給小事者則此晉侯之豎即周禮之內豎齊寺人貂亦曰豎貂正義曰幼童為內豎之官是也又成十六年傳曰穀陽豎獻飲于子反杜注穀陽子反內豎昭四年傳叔孫穆子使牛為豎哀十五年傳孔氏之豎渾良夫則大夫之家亦有內豎

二十五年左氏傳趙衰為原大夫狐溱為温大夫

顧氏棟高曰案傳云晉侯問原守于寺人物鞮則縣邑之長亦謂之守

二十七年左氏傳作執秩以正其官注執秩主

二十八年左氏傳王命晉侯為侯伯賜之虎賁三百人注國語云天子有虎賁習武訓諸侯有旅賁禦災害大夫有貳車備承事士有陪乘皆奔走周禮司馬之屬有虎賁以下大夫二人虎士八百人

二十八年左氏傳曹伯之豎侯獮貨筮史

三十年左氏傳晉侯使醫衍酖衛侯甯俞貨醫使薄其

宣公二年左氏傳宰夫胹熊蹯不熟殺之

蕙田案宰夫即膳宰非周禮天官之宰夫

太史書曰趙盾弑其君以示于朝孔子曰董狐古之良

史也書法不隱

初驪姬之亂詛無畜羣公子自是晉無公族注無公子故

成公即位乃宦卿之適子而為之田以為公族注宦卿之適子為

又宦其餘子亦為餘子注餘子嫡子之母弟其庶子為公行

晉于是有公族餘子公行注晉冬趙盾為旄車

之族使屏季以其故族為公族大夫注公族之官掌教公之子弟

之政孔晁注國語云公族大夫掌公族及卿大夫子弟之官是卿之適子為公族也餘子士教卿大夫適妻之次子公行不教庶子然則卿大夫之妾子亦是餘子之官教之矣公行掌率公戎車之行列詩魏風有公族公行其公族公行既同公路似此餘子但餘子不主路車公路非餘子也當與公行為一以其主君路車謂之公路主車行列謂之公行其實止是一官詩人變文以韻句耳周禮無此三官之名夏官有諸子下大夫二人掌國子之倅事與公族同春官有中車下大夫二人掌王之五路事與公行同無餘子車皆建旄謂之旄車之族

成公十年左氏傳召桑田巫使甸人獻麥注主為公田者饋人為之

顧氏棟高曰周禮天官之屬有甸師掌帥其屬而耕耨王籍以時入之又曰王之同姓有罪則死刑焉鄭注引文王世子公族有罪致刑于甸人則甸人即甸師也又襄三十一年傳甸設庭燎而周禮甸師帥其徒以薪蒸役外內襄之事此甸人為甸師明矣

蕙田案周禮無饋人之名惟晉有之蓋即地官之饗人也

十七年左氏傳晉范文子反自鄢陵使其祝宗祈死

顧氏棟高曰此亦是家宗人

十八年左氏傳荀家荀會變厲韓無忌為公族大夫使訓卿之子弟恭儉孝弟

襄公三年左氏傳魏絳至授僕人書注僕人晉侯御僕

顧氏棟高曰周禮御僕掌羣吏之逆及庶民之復鄭司農云復謂奏事也逆謂受下奏則此僕人正御僕之職也

請歸死于司寇

蕙田案晉之司寇非卿當以大夫為之

四年左氏傳工歌文王之三注工樂人

韓獻子使行人子員問之

蕙田案春秋行人以見執書者六皆命卿因事而出使惟晉之子員子朱鄭之公孫揮衛之子羽乃任行人之職者故特錄之他皆未及

十四年左氏傳左史謂魏莊子曰不待中行伯乎

師曠侍于晉侯注師曠晉樂太師

十六年左氏傳祁奚韓襄欒盈士鞅為公族大夫

十八年左氏傳見梗陽之巫臯

二十三年左氏傳唯魏氏及七輿大夫與之注七輿官名疏僖十年傳杜

謂副車則此七輿大夫杜亦謂主副車之官也劉焯云若是主公車則當情親于公不應曲附欒氏服虔云下軍與帥七人欒盈將下軍故七輿大夫與欒氏焯謂

服言

顧氏棟高曰僖十年傳七輿大夫之中有左行共華右行賈華時晉猶未置三行則所謂左行右行者猶掌公戎車謂之公行耳杜說未為無據七輿大夫與欒氏蓋盈之黨有為是官者耳魏獻子猶附盈豈得以七輿大夫為疑

二十六年左氏傳秦伯之弟鍼如晉脩成叔向命召行人子員行人子朱曰朱也當御

三十年左氏傳絳縣人或年長矣趙孟問其縣大夫則其屬也注絳非趙武私邑而云則其屬者蓋諸是公邑國卿分掌之使為君復陶注主衣服之官 疏昭十二年楚子皮冠

秦復陶翠被豹舄復陶之文在冠履之間知復陶是衣也此言君復陶知是主君衣服之官以為絳縣師注縣師掌地城之數及其六畜車輦之積凡造都邑量其地而制其域以歲時徵野之貢賦天子之縣師掌此數事則諸侯之縣師亦然

昭公元年左氏傳晉侯有疾卜人曰實沈臺駘為祟九年左氏傳晉侯飲酒樂膳宰屠蒯趨入請佐公司尊而遂酌以飲工注工即師曠

十四年左氏傳士景伯如楚叔魚攝理注士景伯晉理官

十五年左氏傳王謂籍談曰昔而高祖孫伯鷹司晉之典籍以為大政故曰籍氏及辛有之二子董之晉于是

乎有董史女司典之後也何故忘之注辛有周人也其二子適晉為太史籍鷹與之共董晉

十七年左氏傳晉荀吳帥師涉自棘津使祭史先用牲于雒注因為董氏董狐其後

二十八年左氏傳魏獻子為政分祁氏之田以為七縣

分羊舌氏之田以為三縣司馬彌牟為鄆大夫賈辛為祁大夫司馬烏為平陵大夫知徐吾為塗水大夫韓固

為馬首大夫孟丙為孟大夫樂霄為銅鞮大夫趙朝為平陽大夫僚安為楊氏大夫

顧氏棟高曰祭史當即祝史又襄二十七年傳叔向稱范武子祝史陳信于鬼神是大夫之家亦有祝史

設官分職

哀公四年左氏傳使謂陰地之命大夫士蔑命大夫別縣監尹疏若是

九年左氏傳趙鞅卜救鄭占諸史趙史墨史龜

顧氏棟高曰周禮占人職曰凡卜筮史占墨禮記玉藻曰卜人定龜史定墨君定體又月令命太史贊龜策占兆審卦吉凶則卜筮之事雖太卜等官專掌而太史亦蒞其事故周太史及晉史趙諸人竝以占卜見或謂春秋時稍稍侵官殆未然也

蕙田案以上晉

桓公六年左氏傳宋以武公廢司空武公名司空廢為司城

文公十一年左氏傳初宋武公之世鄭瞞伐宋司徒皇

父帥師禦之彫班御皇父充石公子穀甥為右司寇牛

父駟乘以敗狄于長邱

蕙田案此二事在春秋以前

桓公二年左氏傳宋殤公立十年十一戰孔父嘉為司

馬督為大宰

顧氏棟高曰文七年傳宋六卿和公室及哀二十六年傳六卿三族降聽政竝以右師左師司馬司徒司城司寇為六卿成十五年傳華元曰我為右師君臣之訓師所司也是宋以右師為政卿也太宰在六官之下而此傳云遂相宋公蓋非常制又案僖九年傳宋襄公即位以為政正義曰子罕賢知故特使為政齊是未治襄九年宋災傳樂喜為司城以為政正義曰子罕賢知故特使為政齊任管夷吾魯任叔孫婁皆位卑而執國政哀二十六年傳司城為上卿是宋亦有以左師司城執政者矣

僖公九年左氏傳以公子目夷為仁使為左師以聽政

故魚氏世為左師

蕙田案自成十五年魚石奔楚乃以向戌代之

之向氏亦桓族與魚氏同所自出

十九年左氏傳司馬子魚

二十二年左氏傳楚人伐宋以救鄭宋公將戰大司馬

固諫注大司馬固莊公之孫公孫固也

顧氏棟高曰案下文戰于泓司馬曰彼眾我寡杜以為子魚史記宋世家前後皆作子魚之言又文七年傳殺公孫固公孫鄭于時樂豫為司馬列于六卿則固非卿明矣顧甯人謂大司馬即子魚則固諫當為固諫之義孔疏謂六卿之外別有孤卿宋上公禮得有孤蓋附杜而為之說也又案宋六卿自殤公以前

五曹官分職

子

則大司馬執政華督殺司馬孔父遂以太宰相襄公即位子魚以左師聽政而傳文始終稱司馬子魚疑是時始立左右二師而子魚以司馬兼左師後遂為專官也

文公七年左氏傳於是公子成為右師公孫友為左師樂豫為司馬鱗矐為司徒公子蕩為司城華御事為司寇注傳言六卿皆公族六卿和公室樂豫舍司馬以讓公子印

蕙田案宋六卿始見於此

八年宋人殺其大夫司馬宋司城來奔左氏傳殺大司馬公子印司馬握節以死故書以官司城蕩意諸來奔效節于府人而出公以其官逆之亦書以官皆貴之也十五年宋司馬華孫來盟左氏傳宋華耦來盟其官皆從之書曰宋司馬華孫貴之也

蕙田案春秋大夫以官名書於經者惟宋有之程子謂宋王者後得自命卿故書疑或然

也

十六年左氏傳於是華元為右師公孫友為左師華耦為司馬鱗矐為司徒蕩意諸為司城公子朝為司寇文公即位使母弟須為司城華耦卒而使蕩虺為司馬十八年左氏傳使公孫師為司城樂呂為司寇成公十五左氏傳於是華元為右師魚石為左師蕩澤為司馬華喜為司徒公孫師為司城向為人為大司寇鱗朱為少司寇向箒為大宰魚府為少宰華元使華喜公孫師帥國人攻蕩氏殺子山左師二司寇二宰遂出奔楚注四大夫不書獨魚石告疏服虔云魚石卿故書以為四人非卿故為人亦當書之何以獨書魚石杜預獨以魚石告正為向為人皆告為卿則書向寇二宰等六卿之外亦是卿官合書名氏猶如魯之三卿外別有公孫嬰齊滅孫許但非如六卿等世掌國政也華元使向戌為左師老佐為司馬樂裔為司寇以靖國人

設官分職

三

襄公九年左氏傳宋災樂喜為司城以為政注樂喜子罕也為政卿言宋六卿之次皆云右師左師司馬司徒司城司寇則當右師為政卿今言樂喜為政卿者蓋宋以華閱是華元之子元有大功使閱繼其父耳子罕賢知故特使為政齊任管夷吾魯任叔孫姑皆位卑而執國政此亦然也

使伯氏司里注司里里宰疏周禮里宰每里下土一人謂六遂之內二十五家之長也此言司里謂司城內之民若今城內之坊里也里必有長不知其官之名周禮有里宰故以宰言之非是郊外之民二十五家之長也

華臣具正徒注時為司徒疏周禮大司徒掌徒庶之政令小司徒凡用眾司里所使隨正所納皆是臨時調民而役之若今之

奔火所注此隨正官名也五縣為隨 使華閱討右官官庀其司注樂道

向戍討左亦如之注閱華元子代元 使樂道庀刑器注樂道

使皇郟命校正出馬工正出車備甲兵庀武守注校正

宮巷伯徹宮注司宮巷伯寺人皆掌宮內之事疏周禮無司宮巷伯之官此為最長則司宮當天子之內小臣也周禮又云寺人王之正內五人鄭云正內路寢也王肅云今後宮稱承巷是巷者宮內道也伯長也是宮內門巷之長故知巷伯是寺人也

二師使四鄉正敬享注鄉正鄉大夫疏周禮鄉大夫每鄉一師使四鄉正則別立鄉正非卿與之但其所職掌當天子之鄉大夫耳周禮鄉為一軍宋大國不過三軍而有四鄉者當時所立非正法也

宗用馬于四塘祀盤庚于西門之外注祝大祝宗人

蕙田案國語單襄公云火之初見期于司里注司里里宰

司里主營造土功之事蓋司空之屬樂喜為注司空

司城故首命之杜以為里宰者非也

十七年左氏傳皇國父為大宰

二十七年左氏傳宋人享趙文子叔向為介司馬置折

俎禮也注周禮司馬掌會同之事

五豐通考卷三十三 設官分職

三

二十九年左氏傳宋司徒見知伯注司徒華定也

昭公六年左氏傳華合比奔衛華亥欲代右師乃與寺

人柳比公使代之注代合比為右師

十九年左氏傳少司寇輕注輕華亥庶兄

二十年左氏傳宋華費遂生華貙華多僚華登貙為少

司馬多僚為御士注法公御士公曰司馬以吾故亾其良子注謂

費遂為大司馬

二十一年左氏傳宋公使公孫忌為大司馬注代華費遂邊卬

為大司徒注代華楚樂祁為司城仲幾為左師注代向甯樂大心為右

師注代華亥樂輓為大司寇

蕙田案宋於司馬司寇之外又有少司馬少

司寇此傳云大司徒則當有少司徒矣注左師向樂也

哀公十四年左氏傳司馬子仲曰不得左師不可注左師向樂也

蕙田案司馬子仲皇野字此傳既稱皇野為

司馬而下又有桓司馬未知誰為大司馬也

十八年左氏傳宋殺皇瑗使皇緩為右師

二十六年左氏傳於是皇緩為右師皇非我為大司馬

皇懷為司徒靈不緩為左師樂茂為司城樂朱鉏為大

司寇六卿三族降聽政因大尹以達注大尹近官有寵者六卿因之以自通達于君

司城為上卿

蕙田案宋以右師左師司徒司馬司城司寇

為六卿宋為上公之國設左右二師比於孤

卿司徒司馬司空三官則諸侯之卿也其以

司寇為卿出於僭擬而六卿之外別有大宰

華督以太宰柄國政則太宰亦當為卿矣六

卿雖以右師為尊然孔父嘉以司馬公子目

設官分職

三

夷向戌以左師樂喜樂蒞以司城皆執國政
不必常在右師也

僖公二十二年左氏傳門官殲焉疏周禮虎賁氏掌先後王而趨以卒伍軍旅會同亦如之舍則亦天子虎賁氏之類故在國則守門師行則在君左右

二十八年左氏傳宋人使門尹般告急

文公十六年左氏傳昭公將田孟諸夫人王姬使帥甸

攻而殺之注帥甸郊甸之帥疏周禮載帥以公邑之田任甸地近國為郊外為甸帥甸者甸地之帥公邑之大夫也杜舉類言之

襄公十年左氏傳宋公享晉侯于楚邱請以桑林舞師

題以旌夏注樂師也

鍾氏棟高曰周禮春官大司樂樂師大胥小胥凡舞事皆屬焉其下有箛師掌教國子舞且吹箛祭祀則鼓箛箛之舞賓客享食則亦如之司干掌舞器此舞師當即箛師司干之類而非地官之舞師也

二十一年左氏傳褚師段逆之

蕙田案褚師之官不見於周禮宋及鄭衛皆

有之杜預以為市官也

二十六年左氏傳寺人惠牆伊戾為太子內師而無寵

疏內師身為寺人之官公使之監知太子內事為在內人之長也

左師見夫人之步馬者問之對曰君夫人氏也左師曰

誰為君夫人余胡弗知圍人歸以告夫人

昭公六年左氏傳寺人柳有寵太子佐惡之

二十一年左氏傳公使寺人召司馬之侍人宜僚

子祿御公子城莊董為右干孳御呂封人華豹張句為

右注呂邑封人官

哀公十四年左氏傳迹人來告曰逢澤有介麋焉注迹人主迹禽

獸者疏周禮地官迹人掌邦田之政凡田獵者受命焉鄭云迹之言跡知禽獸之處也

二十六年左氏傳六卿三族降聽政因大尹以達大尹

常不告而以其欲稱君以令注大尹近官有寵者

設官分職

官

大尹使祝為載書祝襄以載書告皇非我

顧氏棟高曰周禮祝掌盟詛作盟詛之載辭鄭司農引此傳為証

門尹得

顧氏棟高曰國語飲國賓至關尹以告門尹除門周禮地官之屬司門下大夫二人司關上士二人中士四人鄭司農以司關為關尹則門尹當即周禮之司也

蕙田案以上宋

莊公九年左氏傳鮑叔曰管夷吾治于高奚使相可也

二十二年左氏傳陳公子完奔齊桓公使為工正注掌百工之官

僖公十二年左氏傳齊侯使管仲平戎于王王以上卿

之禮饗管仲管仲辭曰臣賤有司也有天子之二守國

高在注國子高天子所命為齊守臣皆上卿也管仲受下卿之禮而還注卒受本位之禮

成公十八年左氏傳慶封為大夫慶佐為司寇

蕙田案齊之司寇非卿

襄公二十五年左氏傳慶封為左相

顧氏棟高曰案史記齊世家景公立以崔杼為右相是齊高國二卿之外于時復立左右二相

蕙田案左傳載齊之官制甚略所可見者惟

國高二子世為上卿然亦不詳其官名至二

上卿之外別立二相亦他國所無也國語稱

桓公使鮑叔為宰韋昭以為太宰也則齊又

有太宰矣

僖公二年左氏傳齊寺人貂始漏師于多魚

十七年左氏傳雍巫有寵于衛共姬因寺人貂以薦羞

于公注雍人名巫即易牙

成公二年左氏傳邴夏御齊侯逢丑父為右齊師敗鄭

周父御佐車宛蔑為右載齊侯以免

齊侯自齊關入辟女子女子曰君免乎曰免矣曰銳司

設官分職

臣

徒免乎曰免矣注鏡司徒主鏡兵者既而問之辟司徒之妻也注辟司徒主壘

成公十八年左氏傳齊侯使士華免以戈殺國佐于內宮之朝注士者士官也掌刑政

襄公二十三年左氏傳齊侯伐衛先驅穀榮御王孫揮召揚為右申驅成秩御莒恆申鮮虞之傅摯為右曹開御戎晏父戎為右貳廣上之登御邢公盧蒲癸為右啟牢成御襄罷師狼遽疏為右肱商子車御侯朝桓跳為右大殿商子游御夏之御寇崔如為右燭庸之越駟乘

顧氏棟高曰公御曰御戎餘但稱御

二十五年左氏傳祝佗父祭于高唐

申蒯侍漁者注侍漁監取魚之官

顧氏棟高曰周禮獸人掌以時獻為梁凡獵者掌其政令此侍漁當周禮之獸人也

太史書曰崔杼弑其君崔子殺之其弟嗣書而死者二人其弟又書乃舍之南史聞太史盡死執簡以往聞既書矣乃還

孔氏穎達曰南史是作太史者當是太史也居在南故謂之南史耳

二十七年左氏傳崔子使圉人駕寺人御而出注圉人養馬者寺人奄士

蕙田案圉人寺人皆大夫家臣二十八年陳

氏鮑氏之圉人為優亦同

二十八年左氏傳公膳日雙雞饗人竊更之以鶩

疏服虔云祝固齊太祝史歸太史也

昭公二十年左氏傳君盍誅于祝固史嚚注嚚服虔云祝固齊太祝史歸太史也

山林之木衡鹿守之澤之萑蒲舟鮫守之藪之薪蒸虞

候守之海之鹽蜃祈望守之注衡鹿舟鮫虞候祈望皆官名也疏周禮司徒之屬有林衡之官掌巡林麓之禁此置衡鹿以守山林是也舟行水之器鮫大魚之名澤中有水有魚故以舟鮫為官名也周禮山澤之官皆名為虞每大澤大藪中士四人藪是少水之澤立官使之候望故以虞候為名海是水之大神有時祈望祭之因以祈望為主海之官此皆齊自立名故與周禮不同

齊侯田于沛招虞人以弓

二十七年左氏傳齊侯飲公酒使宰獻而請安

疏公燕大夫之禮公雖親

在而別有主人鄭云主人者宰夫也宰夫太宰之屬掌賓客之獻飲食者也君子其臣雖為賓不親獻以其尊莫敢抗禮今齊侯與公飲酒而使宰獻是比公于大夫也

哀公六年左氏傳鮑子醉而往其臣差車鮑點

注差車主車之官

蕙田案此亦大夫之家臣

二十一年左氏傳公及齊侯邾子盟于顧公先至于陽穀齊閻邱息曰為僕人之未次請除館于舟道辭曰敢勤僕人

顧氏棟高曰杜注以次為次舍則此僕人當如鄭之外僕掌次舍者

蕙田案以上齊

僖公七年左氏傳鄭有叔詹堵叔師叔三良為政

襄公二年左氏傳於是子罕當國注攝君事子駟為政注為正卿子國

為司馬

九年左氏傳同盟于戲鄭六卿公子駢公子發公子嘉公孫軌公孫董公孫舍之及其大夫門子皆從鄭伯

子卿之適子疏周禮小宗伯掌三族之別以辨親疎其正室皆謂之門子鄭云正室適子也將代父當門者也是卿之適子為門子也

十年左氏傳于是子駟當國子國為司馬子耳為司空子孔為司徒子孔當國為載書以位序聽政辟大夫

諸司門子弗順

十一年左氏傳鄭使良霄大宰石奐如楚

程氏啟生曰石奐為良霄左介則太宰之官非鄭所重矣

十四年左氏傳鄭司馬子蟜

十九年左氏傳鄭人使子展當國子西聽政立子產為

卿

二十二年左氏傳鄭人使少正公孫僑對

注少正鄭卿官疏十九年傳云立子產

設官分職

為卿知少正是鄭之卿官春秋之時官名變改周禮無此名也

二十六年左氏傳鄭伯賞入陳之功享子展賜之先路

三命之服先八邑賜子產次路再命之服先六邑子產

辭邑曰自上以下降殺以兩禮也臣之位注上卿子展次卿子西十在四

一年良霄見經十九年乃立子產為卿故位在四且子展之功也臣不敢及賞禮請辭

邑公固予之乃受三邑

子太叔為令正注主作辭令之正

二十七年左氏傳鄭伯享趙孟于垂隴子展伯有子西

子產子太叔二子石從

蕙田案鄭有六卿此傳七子之中惟公孫段未為卿三十年傳伯有既死使太史命伯石

為卿可證也

二十九年左氏傳鄭子展卒子皮即位注子皮代父為上卿罕氏

常掌國政以為上卿

三十年左氏傳鄭子皮授子產政伯有既死使太史

命伯石為卿辭太史退則請命焉復命之又辭如是三

乃受策入拜子產是以惡其為人也使次已位注畏其作亂故龍之

顧氏棟高曰案周禮策命之事掌于內史今鄭以太史主之孔疏以為諸侯兼官無內史然尚書酒誥有太史友內史友則諸侯得立內史或鄭令太史兼攝耳

昭公元年左氏傳趙孟曰武請于豕宰矣注豕宰子皮

顧氏棟高曰豕宰執政之美稱猶南遺梅季孫為豕卿士會稱焉故為宰非鄭獨設豕宰之官

六月鄭伯及其大夫盟于公孫段氏罕虎公孫僑公孫

段印段游吉駟帶私盟于闔門之外實薰隧公孫黑強

與于盟使太史書其名且曰七子注自欲同于六卿故云七子

二年左氏傳子產曰不速死司寇將至

十六年左氏傳鄭六卿餞宣子于郊

蕙田案六卿謂子齋子產子太叔子游子旗
子柳也罕氏世為上卿故子產雖執國政而
位次猶在子齋之下

十八年左氏傳鄭火子產使司寇出新客禁舊客勿出
于宮

司馬司寇列居火道注備非常也

顧氏棟高曰鄭六卿其名可見者司馬司空司徒三官襄二年傳云子罕當國子駟為政子國為司馬十年傳云子駟當國子國為司馬子耳為司空子孔為司徒盜殺子駟子國子耳子孔當國十九年傳云鄭人使子展當國子西聽政立子產為卿三十年傳云子皮授子產政曰虎帥以聽誰敢犯子子產為政是鄭卿最尊者當國當國之下復有為政一八此二卿未知以何名命之子產以少正為卿則六卿之中當有少正又與宋六官不同

蕙田案昭十八年傳司寇與司馬並稱疑司
寇亦卿也

隱公元年左氏傳穎考叔為穎谷封人疏周禮封人掌為畿封而樹之鄭康成云畿上

桓公十一年左氏傳祭封人仲足

蕙田案周禮封人以中下士為之祭仲鄭之
正卿下兼封人之職

莊公十四年左氏傳原繁曰先君桓公命我先人典司
宗祏

鄭氏棟高曰案此
前亦是宗人之官

文公十七年左氏傳鄭子家使執訊而與之書注執訊通訊問之官

宣公四年左氏傳宰夫將解鼈

成公十六年左氏傳石首御鄭成公唐苟為右

襄公十一年左氏傳鄭人納賂晉侯以師悝師觸師蠲

十五年左氏傳鄭人納賂于宋以馬四十乘與師蔑師

蕙

二十二年左氏傳鄭公孫黑肱有疾召室老宗人立段

設官分職

完

顧氏棟高曰
此家宗人也

蕙田案室老大夫之宰儀禮所謂貴臣也

二十八年左氏傳子產相鄭伯以如楚舍不為壇外僕

言曰昔先大夫相先君適四國未嘗不為壇外僕掌

蕙田案僖三十三年傳有外僕髡屯

三十年左氏傳伯有因馬師頡介於襄庫

子皮以公孫鉏為馬師

三十一年左氏傳北宮文子相衛襄公以如楚過鄭入

聘子羽為行人

昭公二年左氏傳公孫黑請以印為褚師官也

顧氏棟高曰周禮地官自司市以下實人屬人胥師賈師司執司稽肆長皆掌
布政而無褚師成三年傳知器之在楚也鄭賈人有將置褚師中以出六書故
褚以財衣然則褚師之職或當如王制所云布帛精麤
不中數幅廣狹不中量不窮于中者而褚師掌其禁數

七年左氏傳朔于敝邑亞大夫也其官馬師也

十二年左氏傳司墓之室有當道者往學公墓大夫徒屬之家
疏周禮墓大夫下大夫二人

中士八人掌凡邦墓之地域為之圖
令國民族葬之司墓亦當如彼

十三年左氏傳子產命外僕速張于除

十六年左氏傳孔張後至立于客間執政禦之位執政掌

十八年左氏傳使公孫登徒大龜登徒開
下大夫使祝史徒主

禘于周廟告于先君使府人庫人各儆其事 商成公

儆司宮司宮巷伯
掌人之官出舊宮人寘諸火所不及 明日使野

司寇各保其徵野縣土也
疏謂司寇之官在野者周禮司寇屬官有縣士
掌野知野司寇是縣上也縣士職曰各掌其縣之民數若邦

有大役聚眾庶則各掌其縣之
禁令知諸侯縣士亦當然也郊人助祝史除于國北禳火于

元冥回祿 使行人告于諸侯

蕙田案以上鄭

隱公四年左氏傳衛人使右宰醜泄殺州吁于濮

閔公二年左氏傳狄人伐衛渠孔御戎子伯為右黃夷

設官分職

三

前驅孔嬰齊殿及狄人戰于熒澤

狄人囚史華龍滑與禮孔二人曰我太史也實掌其祭

顧氏棟高曰周禮太史大祭祀與故事卜日祭之日執書以次位常是大史掌祭祀也

僖公二十八年左氏傳衛侯與元咺訟士榮為大士

獄官也 疏以其主獄事故使與首之獄官對理實証

襄公十四年左氏傳獻公飲孫蒯酒使太師歌巧言之

卒章太師辭師曹請為之注太師掌樂大夫師曹樂人

公使祝宗告亾

右宰穀從而逃歸

二十七年左氏傳以公孫免餘為少師公使為卿辭曰

太叔儀不貳能贊大事乃使文子為卿

蕙田案傳所稱則少師非卿

二十九年左氏傳史鮒

顧氏棟高曰傳中如鮒及史鮒史物杜注無明文論語史鮒朱子集注史官名或是大史也

昭公二十一年左氏傳衛公子孟縶狎齊豹奪之司寇

子為衛司寇

公孟惡褚師圃

華齊御公孟宗魯驂乘慶比御公公南楚驂乘及公宮

鴻駟雛駟乘于公

顧氏棟高曰驂乘周禮謂之陪乘蓋即車右也

褚師子申遇公子馬路之衢

定公四年左氏傳其使祝佗從

哀公十二年左氏傳謀于行人子羽

十五年左氏傳先謂司徒瞞成

十六年左氏傳衛侯占夢嬖人與卜人比而告公

顧氏棟高曰周禮占夢有中士四人

設官分職

十七年左氏傳衛侯夢于北宮公親筮之胥彌赦占之

注赦

二十五年左氏傳公之入也奪司寇亥政

公納夏戊之女嬖以為夫人其弟期少畜于公以為司徒

公因祝史揮以侵衛注揮衛祝史

蕙田案春秋傳書衛官名甚略其可見者惟

司徒瞞成見于續經知其為卿傳云奪司寇

亥政則司寇亦卿也

又案以上衛

襄公十七年左氏傳司徒印

二十五年左氏傳祝祓社司徒致民司馬致節司空致

地乃還注陳亂故正其眾官修其所壞以安之

昭公八年左氏傳司徒招

哀公十一年左氏傳初轅頗為司徒

蕙田案以上陳

襄公八年左氏傳獲蔡司馬公子燮

二十六年左氏傳蔡太師子朝

蕙田案以上蔡

哀公七年左氏傳曹伯陽寵公孫疆使為司城以聽政

程氏啟生曰司城宋官曹不應有益曹後衰弱奉宋之政令已久其見滅于宋宜矣

蕙田案以上曹

莊公三十二年左氏傳神居莘虢公使祝應宗區史歸

享焉注祝太祝宗宗人史太史

蕙田案以上虢

桓公六年左氏傳隨人使少師董成

設官分職

八年左氏傳楚伐隨戰于速杞隨師敗績隨侯逸鬪丹獲其戎車與其戎右少師

蕙田案以上隨

桓公十一年左氏傳楚屈瑕將盟貳軫鄖人軍于蒲騷

莫敖患之

注莫敖楚官名即屈瑕

莊公四年左氏傳令尹鬬祁莫敖屈重

哀公十七年左氏傳子穀曰彭仲爽申俘也文王以為

令尹

顧氏棟高曰彭仲爽為令尹當在鬬祁之後子元之前楚令尹見傳者二十八人惟仲爽申俘餘皆王族也

莊公十八年左氏傳初楚武王克權使鬬緡尹之以叛

圍而殺之遷權于那處使鬬敖尹之

十九年左氏傳鬻拳自別楚人以為大閹謂之大伯

注若今城門校尉官疏周禮天官閹人掌守王宮之中門之禁鄭云閹人司昏晨以啟閉者秋官掌戮鬻者使守門則者使守圍則鬻不使別而鬻權得為閹者周禮地官

之屬有司門下大夫二人掌授管鑰以啟閉國門若今城門校尉主王城十二門此法亦法若今城門校尉官然則鬻權本是大臣楚人以其賢而使典此職非為刑而役之當如地官之司門非天官之閹人

二十八年左氏傳令尹子元

三十年左氏傳鬬穀於菟為令尹

僖公二十三年左氏傳成得臣帥師伐陳子文以為之

功使為令尹

二十六年左氏傳楚令尹子玉司馬子西帥師伐宋

二十八年左氏傳子玉以若敖之六卒將中軍子西將

左子上將右

蕙田案春秋時楚亦為三軍其軍將出於臨時簡擇城濮之役子玉以令尹將中軍子西以司馬將左軍邲之役則沈尹將中軍而令尹孫叔敖不為軍帥鄢陵之役則子反以司

設官分職

馬將中軍子重以令尹將左軍皆無一定之例也

為呂臣實為令尹

三十三年左氏傳楚令尹子上侵陳蔡

文公元年左氏傳穆王立以其為太子之室與潘崇使

為太師且掌環列之尹注環列之尹宮衛之官列兵而衛王宮

十年左氏傳成王使子西為商公沿漢沂江將入郢王

在渚宮下見之懼而辭曰臣免于死又有讒言謂臣將

逃臣歸死于司敗也注陳楚名司敗為司敗王使為工尹注掌百工之官又與子

家謀弒穆王五月殺鬬宜申及仲歸

蕙田案定四年唐人竊馬而獻之自拘于司

敗則唐亦有司敗不獨楚與陳也

又案子西以工尹而名見於經則楚以工尹

為卿官矣宣四年傳為賈為工正亦是貴臣

疑工尹與工正即一官也檀弓載工尹商陽

之言曰朝不坐燕不與則商陽乃是下士蓋

官名隨時改易尊卑無定耳

楚子田孟諸宋公為右孟鄭伯為左孟期思公復遂為

右司馬子朱及文之無畏為左司馬注將獵張兩甄故置二左司馬然則右司馬一人當

中央

十二年左氏傳令尹大孫伯卒成嘉為令尹

宣公四年左氏傳及令尹子文卒鬬班為令尹子越為

司馬為賈為工正譜子揚而殺之子越為令尹已為司

馬

蕙田案傳自子文授政子玉以後繼之者為

呂臣子上大孫伯成嘉凡五人鬬般為令尹

設官分職

言

也注令人樂官 疏詩簡分序云衛之賢者仕于冷官鄭云冷官也冷氏世掌樂官而善焉故後世名樂官為冷官

十年左氏傳晉侯使糴芡如楚報大宰子商之使也

十六年左氏傳司馬將中軍注子令尹將左重子右尹子辛

將右

子重使太宰伯州犁侍于王後

彭名御楚共王潘黨為右

楚子使工尹襄問之以弓

襄公二年左氏傳楚公子申為右司馬

三年左氏傳楚子辛為令尹

楚司馬公子何忌侵陳

五年左氏傳楚子囊為令尹

十二年左氏傳楚司馬子庚聘于秦

十五年左氏傳楚公子午為令尹公子罷戎為右尹為

子馮為大司馬公子橐師為右司馬公子成為左司馬

屈到為莫敖公子追舒為箴尹屈蕩為連尹養由基為

宮廩尹疏服虔云連尹射官言射相連屬也若是主射當使養由基為之何以

並不可解故 枉皆不解之

十八年左氏傳揚豚尹宜

十九年左氏傳鄭子革出奔楚為右尹

二十一年左氏傳楚子使子南為令尹

二十二年左氏傳子南之子棄疾為王御士

遠子馮為令尹公子齮為司馬屈建為莫敖

二十五年左氏傳屈建為令尹屈蕩為莫敖

楚蔣掩為司馬子木使庀賦數甲兵為掩書土田度山

林鳩藪澤辨京陵表涸鹵數疆潦規偃豬町原防牧隰

皋井衍沃量入脩賦賦車籍馬賦車兵徒卒甲楯之數

設官分職

既成以授子木禮也

二十七年左氏傳申鮮虞來奔楚人召之遂如楚為右

尹

二十九年左氏傳王子圍為令尹

昭公元年左氏傳右尹子干出奔晉宮廋尹子皙出奔

鄭

楚遠罷為令尹遠啟疆為大宰

四年左氏傳楚沈尹射奔命于夏汭箴尹宜咎城鍾離

五年左氏傳楚子曰若吾以韓起為闈而以羊舌肸為

司宮足以辱晉

楚子以屈生為莫敖 沈尹赤會楚子次于萊山 使

沈尹射待命于巢

六年左氏傳吳人獲宮廋尹棄疾

七年左氏傳芋尹無宇

流芋草名哀十五年陳有芋尹蓋省以草名其官不知何故

十二年左氏傳楚子使蕩侯潘子司馬督囂尹午陵尹

喜帥師圍徐

右尹子革夕

左史倚相趨過

工尹路請曰君王命剝圭以為鍼秘

十三年左氏傳王奪成然邑而使為郊尹

蔡公因正僕人殺大子祿及公子罷敵

五刑之名三

三

顧氏棟高曰周禮闈人于宮每門四人圍游亦如之次內小臣之下寺人之上記曰深宮固門闈守之是闈與奄寺雖不同皆以刑人而掌近職又昭七年傳楚子為章華之宮無宇之闈入焉而宋亦有司馬之侍人齊有雀子之侍人此大夫之家亦有闈寺也

顧氏棟高曰陳近楚設官多相效論語有陳司敗司敗之官亦惟楚有之

程氏啟生曰子辛子重俱以貴介為左右尹出將重兵其後竝為令尹則左右尹蓋亦楚之尊官襄公以後漸用羈人稍稍降矣子革自襄十九年奔楚為右尹至昭十二年仍為此官而中間為右尹者又有子干或楚此官不止一人或子革先為右尹去任他職而子干代之及子干出奔而子革仍為右尹未可知

丘豐真言設官分職

三

注郊尹治郊竟大夫

注正僕大子之近官正僕人即大僕也周

禮下大

公子比為王公子黑肱為令尹公子棄疾為司馬

棄疾即位使子旗為令尹

觀從曰臣之先佐開卜乃使為卜尹

十七年左氏傳吳伐楚陽句為令尹卜戰不吉司馬子

魚曰我得上游何故不吉

十八年左氏傳楚左尹王子勝

十九年左氏傳楚工尹赤遷陰于下陰

二十一年左氏傳太宰犯

二十三年左氏傳楚司馬遷越追之

楚囊瓦為令尹

二十七年左氏傳楚莠尹然王尹麋帥師救潛注二尹楚官疏楚官多

以尹為名知二尹是官名耳服虔云土尹主官內之政王亦必然注王作工左司馬沈尹戌帥都君子與

王馬之屬以濟師注都君子在都邑之士有復除者王馬之屬王之養馬官屬校人也左尹卻宛工

尹壽帥師至于潛

鄢將師為右領注右領官名

左尹與中廢尹莫知其罪而子殺之注左尹卻宛也中廢尹陽令終

殺連尹奢

三十年左氏傳使監馬尹大心逆吳公子使居養

三十一年左氏傳左司馬戌右司馬稽帥師救弦

定公四年左氏傳鍼尹固與王同舟

五年左氏傳藍尹亶涉其帑

王以季芊妻鍾建以為樂尹注司樂大夫

六年左氏傳令尹子西喜曰乃今可為矣

哀公四年左氏傳左司馬販致蔡於負函

十六年左氏傳沈諸梁兼二事注令尹司馬國甯乃使甯為令

五豐通考卷三十七 設官分職

頁

尹寬為司馬

顧氏棟高曰子西為令尹子期必是司馬二人見殺故諸梁兼攝其事甯即子西子子國表十八年傳初右司馬子國之下也觀瞻曰如志故命之是子國自右司馬遷令尹寬則子期子各代其父也

十七年左氏傳楚子問帥于大師子穀與葉公諸梁子

穀曰右領差車與左史老皆相令尹司馬以伐陳其可

使也 王卜之武城尹吉

注武城尹子西子公孫朝

十八年左氏傳初右司馬子國之下也觀瞻曰如志

注觀瞻楚

開下大夫

王曰寢尹工尹勤先君者也

注而舉之設寢尹吳由于以背受戈工尹固執燧象奔吳師皆為先君勤勞

蕙田案十六年傳稱箴尹固蓋自箴尹遷工

尹

又案以上楚

成公七年左氏傳巫臣請使于吳乃通吳于晉寘其子

狐庸焉使為行人于吳

定公四年左氏傳伍員為吳行人以謀楚

伯州犂之孫嚭為吳太宰以謀楚

哀公十一年左氏傳戰于艾陵吳子謂叔孫曰而事何

也對曰從司馬

注從吳司馬所命

十二年左氏傳衛人殺吳行人且姚而懼

蕙田案以上吳

僖公十五年左氏傳秦伯伐晉卜徒父筮之

注秦之掌龜卜者

成公二年左氏傳公及秦右大夫說盟于蜀

十年左氏傳晉侯求醫于秦秦伯使醫緩為之

十三年左氏傳獲秦成差及不更女父

疏漢書稱商君為法於秦戰斬一首者賜爵一

級其爵名一為公士二上造三簪囊四不更五大夫六公大夫七官大夫八公乘九三大夫十左庶長十一右庶長十二左更十三中更十四右更十五少上造十六大上造十七驪車庶長十八大車庶長十九關內侯二十徹侯案傳此有不更女父襄十一年有庶長鮑庶長武春秋之世已有此名蓋後世以漸增之商君定

設官分職

七

為二十非是商君蓋新作也其名之義難得而知耳

襄公十一年左氏傳秦右大夫詹帥師從楚子

秦庶長鮑庶長武帥師伐晉以救鄭庶長秦爵也

十二年左氏傳秦庶長無地帥師伐宋

昭公元年左氏傳晉侯求醫于秦秦伯使醫和視之

蕙田案以上秦

右春秋官制

五禮通考卷第二百十六終

